



# सानसेयारि बड'सा

सानसेयारि "बड'सा" खरीरालाइयाव  
समानयारि जिज्जो लोब्बा थानाय रायथाय, बरन्थाय,  
बल, बलबाथा आरु दावबायारि थावनि, पार्क  
बाइदिबि स्यायव लिन्नाय लिन्बिबां बैथाय ठर!  
सानसेयारि "बड'सा" खरीरालाइया सेबरान्नाबै  
फोब्रावगोन।  
बड'सायव लिन्ठरन्नायि दुबा खालाम,  
"बड'सा" खरी नौथो, जो बयबो आंगो खालाम।  
सानसेयारि बड'सा मावखुलि  
माइवं नोगोर, जोहोलाव देमालु लामा  
कक्राझार, बिटिसि-783370  
Website: www.bodosanewspaper.com

BODOSA ★ A Bodo News Daily ★ Monday ★ 26 August, 2024 Kokrajhar, BTC, Assam ★ Vol.- 34, Issue No.151 R.N.I.Regd.No.40994/91, Assam Govt. Regd.No.IPRD.40/2006/3, ★ Rs. 8/-

## प्रमद बर'आ मुख्लं सुजित नार्जारी सावराय न 'ब्लानि अन्थाइ खाम्फा गायसन्दों

चिरां, 25 आगस्ट: 2025  
माइथायनि बिटिसि  
बिसायख 'थिखौ लानानै दासान्दि  
बिजेपि, इडपिपिएल दोलोया  
आलादा-आलादायै  
बिसायख 'थिनि दावहा सोलो  
बायदियै खामानि मावनायखौ  
जागायजेन्दोब्लाबो खुनो गोनां  
बिधान सभानि उफ्रा  
बिसायख 'थियाव बेनि जेबो  
गोहोम गोम्लेनाय नड, मानोना  
(□ 5 बिलाइआव)



## बिकेडब्लिउएसिनि दैदेनगिरि आरो राइजो-राजाफोरा आसाम आइन आफादनि बुंथिगिरि बिस्वजित दैमारिखौ गाजा-गोमजायै बरायदों

सिमेनसापरि, 25 आगस्ट: बर'  
कछरि अन्साइ गावहायुं खुथाइनि  
गाहाइ मावफु' सोद्रोमा  
मिहिनस्वर ब्रह्मनि दैदेनायाव  
दिने बिकेडब्लिउएसिनि सिडव  
थानाय दैदेनगिरिफोर आरो गुबुन  
गुबुन आफाद गौथुमफोरनि  
दैदेनगिरिफोरजों लोगोसे राइजो-  
राजाफोरा आसाम आइन  
आफादनि बुंथिगिरि बिस्वजित  
(□ 5 बिलाइआव)



## सिपाझार गुजि आरो राइजोआरि देहा मिरुआव मुगैथाव जाथाय एबुलेन्सनि सिडववो उन्दै बेरामि हिन्जावसाखौ जिनाहारि खालामनाय जाथाय सोमजिदों



गुवाहाटी, 25 आगस्ट: राइज्योआव लान्थियै मोनसेनि उनाव  
मोनसे जिनाहारि खालामनाय जाथाय सोमजिदों। थिनि मुगैथाव  
जाथाया राइज्यो नडेनो सोमावगुलुंय समनि गेजेरवो सिपाझारआव  
गुबुन मोनसे मुगैथाव जाथाय सोमजिदों। दरं जिल्लानि सिपाझार  
गुदि आरो राइजोआरि देहा मिरुआव (□ 5 बिलाइआव)

## बर'सुबुं जथाइ आफादनि जर'खा सावराय मेलजों लोगोसे कामरुप जिल्ला सुबुं जथाइ आफाद दादों

तामलपुर, 25 आगस्ट: मिरु  
बर' सुबुं जथाइ आफाद आरो  
कामरुप जिल्ला दुलाराय बर'  
फरायसा आफादनि  
बान्जायनायाव दिने रडिया  
आन्सलिक जनजातिय उन्नयन  
संघनि न'ब्लानाव कामरुप  
जिल्लानि बेन्दोडाव थानाय  
मेलेमजिबि सानसैमुफोरखौ  
लानानै बर' सुबुं जथाइ आफाद  
दानाय थोखिजों मोनसे जर'खा  
सावराय मेल लानाय जादों। मिरु  
बर' सुबुं जथाइ आफादनि  
कनभेनर राजु बर'जों  
सामलायजानाय बे जर'खा  
सावरायज्जालानाय मिरु सुबुं



जथाइ आफादनि सिफ कनभेनर  
शिबराम बसुमतरिआ जर'खा  
सावरायज्जालानायनि बेखेवगिरि  
महैर बाहागो लादों। मेलखौ  
बेखेवना होनायजों लोगोसे  
सिफ कनभेनर शिबराम  
बसुमतरिआ बर' सुबुं जथाइ  
(□ 5 बिलाइआव)

## बाक्सा जिल्ला एबसु आरो सालबारि दख'रा आफादनि जथुम खुनो बान्जाय आफाद दादों

भवानिपुर, 25 आगस्ट: जानो  
गोनां बाक्सा जिल्ला दुलाराइ  
बर' फरायसा आफादनि 20थि  
बोसोरसालिया जथुमा आरो  
सालबारि दख'रा दुलाराइ बर'  
फरायसा आफादनि 24थि  
बोसोरसालिया जथुमा खुंफुनो  
थाखाय दिने सालबारि लक्षिम  
मन्दरनि न'ब्लानाव रायदाव  
आफाद दाफुनाय जायो। थानाय  
(□ 5 बिलाइआव)



## आसामनि राइज्यो बेंगिरि आचार्यआ जन्मास्टमिनि मुडै बयनिसिमबो गाहाम हामब्लायथि जासिहरदों

गुवाहाटी, 25 आगस्ट: आसामनि राइज्यो बेंगिरि लक्ष्मण प्रसाद  
आचार्य जन्मास्टमिनि मुडै आसामनि सुबुंफोरनिमिम गाहाम  
हामब्लायथि जासिहरदों। आचार्यआ दिने गांसे रादाव बिबुंसारनि  
गेजेरजों बुडोदि, जन्मास्टमिआ श्रीकृष्णनि जोनोम सानखौ  
फालिनायनि मोनसे फालिथाय, जाय धर्म, कर्म आरो सैथोनि  
महर मुस्लि, जाय जॉनि थामोनथानि बिथा। बिथिनायवो, बिथारखौ  
सिबिनाया बेफोर गुनफोरनि थाखाय गावखौ बावनायनि समान,  
जाय जॉखौ धोरमनि फारसे लामा (□ 5 बिलाइआव)

## खोला कामरुप जिल्ला बर' बिमा गौथुम दानायजों लोगोसे आइजोफोरनि जर'खा सावराय मेल खुदों

कक्राझार, 25 आगस्ट:  
आथिखालआवे सुबुं समाजआव  
सोलिबाय थानाय आइजो  
माहारिनि सायाव इनाय-उतखार  
खालामनायनि फारसै सांग्राथि  
जानाय, आइजो माहारिनि  
बायदियैया जेंना-जेंसि  
सुखानाय, गुबुन गुबुन फेग्रा  
मुवा-बेसाद बन्द खालामनायजों  
(□ 5 बिलाइआव)



## भवानिपुरआव पद्मप्रिया साहित्य-हारिमुआरि हान्जाया सा 18 लिंरगिरि, खन्थाइगिरि, आरिमुगिरिजों लोगोसे माखासे जरखा सुबुंफोरनो बान्था गथायदों



थुनलाइ, हारिमु, खौरंगिरि,  
सोलोथाय, समाज सिबियारि  
बायदि बिथिफोयव जरखा  
बिहोमा होनाय आसामनि गुबुन  
गुबुन ओन्सोलनि सा 18  
जरखा सुबुंफोरनो हाबाफारि  
बायदियै बान्था गथायना होदों।  
बेखौ लोब्बा लानानै  
भवानिपुरनि शंकरदेव शिशु  
निके तननि मेल  
जथुमसालिआव जरखा समाज  
(□ 5 बिलाइआव)

## खाउसां दखरा आगसु मावखुलिनि गाहाइ हाबग्रा लामा आरे बाउन्डारि वाल बेखेवदों

कलाइगाव, 25 आगस्ट:  
गोलाव 25 बोसोरनि उनाव  
एबा बिटिसिनि बारा' गाहाइ  
खुं गिरि हागामा महिलारी  
दैदेनाय बिपिएफनि खुंथाय सम  
आरो ताम खावसे बोसोरनि ब्रमद  
बर' दैदेनाय जुथाय हान्जानि  
सरकारनि खुंथाय समाव खाउसां  
दखरा आगसुनि मोनसे जेंनाखौ  
(□ 5 बिलाइआव)



कक्राझार, 25 आगस्ट:  
कक्राझार जिल्लानि गसाइगाव  
महकुमानि तुलसिबिलआव  
थानाय 23 आगस्टखालि  
गोमानाय सानै उन्दै बैसोनि  
हिन्जावसाखौ सोमोनोथाव  
थासारियाव पुलिसआ बोखानो  
मोन्नायनि उनावो दिने  
तुलसिबिलनि जाथायखौ  
(□ 5 बिलाइआव)

## बडाइगावआ पिस्टल लानाय लाइमोननि उतखार पुलिसआ गंसे पिस्टलजों गस्थाम गुलि बोखादों



बडाइगाव, 25 आगस्ट: बडाइगावआव थानाय शनिवारनि हरव  
पिस्ट लानाय लाइमोननि मोनसे हान्जाया उतखार खालामनाय  
जाथाय सोमजियो। साहा बडाइगावनि गोजाम कलनीयाव पिस्टल  
लानाय लाइमोनआ गुलि गावो। (□ 5 बिलाइआव)

## सालबारि सुपार डिभिजन फुटबल लिग विस्टा मुन्दा स्पटर्स वलावआ देखबाय

भवानिपुर, 25 आगस्ट:  
सालबारि जिल्ला गेलेमु  
आफादनि बान्जायनायाव  
बासबारिनि विस्टा मुन्दा स्पटर्स  
क्लाबनि हेफाजावआव मानास  
बासबारि सेइन्ट जेबियास  
फरायसालिनि गेलेमु फोथायव  
खुंजाबाय थानाय सुपार डिभिजन  
फुटबल लिगनि दिनेनि नैथि  
(□ 5 बिलाइआव)



## गइबारि ब्लक कमिटी बिपिएफनि 7थि बोसोरारि जथुम्मा खुदों

2025 नि बिटिसि बिसायख'थियाव देरहानानै  
बिपिएफआ सरकार दागोन: जगेन बसुमतरि

तामलपुर, 25 आगस्ट:  
बिटिसि बिसायख 'थिआ फेगौ  
बोसोर 2025 माइथायाव  
खुंजानो थंगासिनो। बिटिसिनि  
बिसायख 'थिखौ नोजोर होना  
दानिफ्रायनो बिटिसि हालामाव  
बिसायख 'थिनि बारआ बारजेनो  
हमदों। बेबायदिनो बिटिसि  
बिसायख 'थिनि थाखाय  
दानिफ्रायनो जानजि खाफ्रादों  
बिपिएफ, इडपिपिएल, बिजेपि



आरो गुबुन गुबुन राजखाथि दोलोनि दैदेनगिरिमावथिफोरखौ  
दोलोफोरा। गावबा-गाव (□ 5 बिलाइआव)

## तामलपुर जिल्ला बाथौ गौथुमनि बान्जायनायाव आर'ज गौमा खुदों बाथौ धोरेमनि जांरिखानाय लोबोनो थाखाय दुलाराय बाथौ गौथुमआ खामानि मावगासिनो: गनेश दैमारि

तामलपुर, 25 आगस्ट: मुलुगनि सुबुं  
माहारिनि गेजेराव अनलाइनाय, गोजोन  
खौसैथि आरो जौगानायजों लोगोसे तामलपुर  
जिल्लायव गांसे बिथिडवोनो जौगासारनाय  
आरो जाफुंसारनायनि थाखाय तामलपुर  
जिल्ला दुलाराय बाथौ गौथुमनि मोनफ्रोमवो  
हाबाफारिखौ मावलांनो हानायनि थाखाय दिने  
तामलपुर जिल्ला बाथौ गौथुमआ सानसेनि  
हाबाफारिजों रामेसुबुरि बाथौ थानसालियाव  
आर'ज गौमा (□ 5 बिलाइआव)









## मदि सरकारा नक्सालि उतरारि जेनाखौ आबुडै फोजोबनो थांखि लादों

गोदान दिल्ली, 25 आगस्ट : भारतआव नक्सालबादआ थांनाय 50 बोसोरफोराव रोजा-रोजा सुबुफोरनि जिउ फोजोबबाय। मिरु आरु रइज्योफोरनि थोजासे मदत होनायनि जाहोनाव महाराष्ट्रनिफ्राय उरिष्यासिम गोसारनाय लाल करिडरआ गोजोनै दं। रैखाथि हान्जाफोरखौ फ्रि हेन्ड एबा बोखारना लांनाय जादों। सरकारा नक्सालिफोरजों बाश्रा सावरयानो थाखाय बिसोरनिफ्राय सुबुरनबो बिदों। बेफोर नाजानायनि गेजेराव भारतआ जाय बायदियै मोनसे समाव पिलिया फ्रि फोसावजादोंमोन, बे बायदिनो वामपन्थि उतरारि आरु नक्सालबादनिफ्राय माब्ला उदांसि मोनगोन बेनि हेडलाइनखौ लानानै मदि सरकारा गिदिर हिन्द होदों।



मिरुनि नखर मन्थि अमित शाहआ बुडोदि, भारतआ 2026 नि मार्चसिमाव वामपन्थि उतरारिफ्राय उदां जागोन। बे खैफोदिन हेंथायै जोबथा दावहाखौ जागायनो थाखाय मोनसे गोखों सोलोखान्थिनि गोनांथि दड। मन्थि शाहया रायपुराव छत्तीसगड आरु न'सु'से राइज्योफोरनि गाहाइ नेहाथारिफोर आरु

जिडिपिफोरजों वामपन्थि उतरारिफोरनि सायाव नायसंनाय जथुमा आरु इन्टर स्टेट जेनेरेल जथुमाखौ सामलायनायनि उनाव खौरंगिगिरि सन्मेलनाव मन्थि शाहआ बेफोर बाश्राखौ बुडो। नखर मन्थिया नक्सालिफोरखौ हिंसायारि नागरनोबो खावलायदों आरु छत्तीसगड सरकारा 1-2 दाननि गेजेराव गोदान गावखौ गथाइनाय खांथिखौ फोसावगोन। मिरुनि

मन्थिया बुंबावोदि, जुदि जों छत्तीसगडआव नक्साल जेनाखौ सुखानो सानोब्ला, न'सु'से राइज्योफोरनि थासारिखौ सामलायनाय खांथिखौबो बे खैफोदजों जुजिनो थाखाय गोखों जानांगोन। नक्सालिफोरनि हेंथायै जोबथा दावहा जागायनो थाखाय मोनसे गोखों आरु गोब्राब सोलोखान्थिनि गोनांथि दड। नक्सालिफोरनि हिंसायारि थाखाय सेलेन्स आरु बे खैफोदआ हादतआव सा 17,000 सुबुफोरनि जिउ फोजोबदों। थांनाय 40 बोसोरफोराव माअबादि हिंसायाव 17,00 रैखाथि मावफारियाफोर आरु नोगोरारिफोरनि जिउ गोमायो। मिरुयाव मदि सरकारा जानायनि उननिफ्राय बे खैफोदखौ सेलेन्स महैरै लानाय जादों।

## डिमापुरआव रां बोखानाय, बेरकटक होबथाना खाजोना खांनायनि हेंथायै गिदिर रेलि खालामदों

दिमापुर, 25 आगस्ट : आंगामि लाइमोन आफादिनि 6 आगस्टखालि कहिमायाव मोनसे रेलि खालामनायनि 17 सान उनाव नागालेन्डआव चुमुकेदिमा जिल्लानि सिंआव दिफुपग्राम परिषदआ गावनि गाहाइ आफादफोरजों लोगोसे बेरकटक खाजोना खांनाय, जर-जुलुमै रां बोखानाय, लांखारनाय आरु हुमखिफोरनि हेंथायै मोनसे राइज्योयारि रेलि खुडो। रेलियाव रोजा-रोजा सुबुफोरा बाहागो लायो, जाय दिमापुर उां गाथोन जंसननिफ्राय जागायनायनि ग्रिन पार्क जंसनसिम खालामजायो आरु चुमुकेदिमा एग्रि एक्सप गेटआव जोबथाफैयो। रेलियाव दिफुपग्राम ओन्सोलाव क्राइम हाबाफारिफोरखौ सोंखारिनाय जायो, जेराव मख'जाखाव जाथाइफोर जादोंमोन,



फालांगिरिफोरजों लोगोसे नोगोरारिफोरनि ख'हा, गिनाय आरु रैखाथि गैयै बायदि थासारि सोमजिखादों। रेलिनि उनाव एग्रि एक्सप गेटआव मोनसे जथुमा खुंनाय जायो, जेराव परिषदआ मोन 6 बिथांखिफोरखौ आजावो आरु बेखौ चुमुकेदिमा डिंसिनो गथायो। रेलियाव थांखि लानाय जायोदि, सासे सुबु काहभि चिंशो

(जय नागा राजखान्थियायि हान्जानि) दिफुपर नागा लाइमोन आफादिनि आफादिगिरि आरु नोगोरारिफोरखौ हाथियार लानानै हुमखि होनायनि दायव हामदोंमोन। बिनि सायाव माहारियारि रैखाथि एक्ट 1980 नि गेजेरजों केस थिसनाय जायो। बिखौ जामिन होनायनि बेरखायै गोखों अजद होयो। बिजिरनाय

हाबाफारिनि गुदिबिथाखौ लाखिलानो आरु राइज्योयारि रैखाथिखौ रोखा खालामनो थाखाय, बेयो सांप्रथि होयोदि, गावनि जामिनखौ मोनफुंनायाव जायखि जाया थाफानाय सुबुखौबो जायखि जाया गनायथावै बिजाउननि थाखाय दायनिगिरि गनायथिनाय जागोन।

## बेसर, बादाम आरु सयाबिनजों लोगोसे माखासे थावफोरनि बेसेना बांदों



गोदान दिल्ली, 25 आगस्ट : आबादारिफोरनि गेजेरजों खम बेसेनाव फानायखौ खमायनायनि जाहोनाव मन्डिफोराव रांखाथिया बाडाइ थानायजों शनिवारखालि हादतनि थाव बाजाराव गासै जाग्रा थावफोरनि बेसेना गोखोडे बन्द' जायो। बेनि जाहोनाव बेसर बादाम आरु सयाबिननि थाव (सिपिअ) नि बेसेना साबसांनयनि गेजेरजों बन्द' जायो। मैया हराव शिकाग' एक्सचेन्जआ गोखोडे थानायजों थावनि बेसेनफोरनि सायाव गाहामै गोहोम गोगलैदों। सुलुनि बायदिब्ला, सिगाडव भायदा

फालांगियाव बेसेनखौ सिफायनानै आबादारिफोरनि फसलखौ लुथिनाय जायोमोन। नाथाय आथिखालाव आबादारिफोरा बुजिनो हाबायदि, सिगांनिफ्राय सयाबिननि बेसेना जोबोद बाडाइ आरु आथिखालाव बिसोर बाडाइ बेसेनाव फानायनिफ्राय बारग'नो थाखाय फसलखौ होबथाना लाखिदों। गोदोनो खरिफ सयाबिन फसलनि एमएसपिखौ बांहोनानै कुन्टेलाव 4,892 रां

खालामो। बेसेन बांनायनि मिजिडव बिसोर सिगाडव थांखानाय फसलफोरखौबो फना लासे लाखिदों। बेजों सयाबिन थावनि बेसेनाव साबसांदों। बेनि गेजेरजों हारियाणा सरकारा आबादारिफोरखौ खुन एमएसपिनिफ्राय बाडाइ बेसेनाव फानायखौ होबथादों। ऑरैनोथ' खुनि बेसेना एमएसपिनिफ्राय बांसिन सोलिगासिनो दड। नाथाय सरकारा बुंदोदि, जुदि बेसेना एमएसपिनिफ्राय गाहायाव थाडोब्ला आबादारिफोरनि गासै फसलखौ एमएसपियाव राइज्यो सरकारा बायगोन। बेबायदि बेब'स्थाया गुबुन राइज्योफोरावबो जानो हागौ, जायनि जाहोनाव बिनौला थावनि बेसेनावबो साबसांनय फेदों। अदेबानि फोरबो बोथोर सौफेनायजों बेसर, बादाम आरु सयाबिननि थाव बेसेनफोरा साबसांनय फेदों।

## कलकातायाव डक्टरखौ बुथारनाय केसनि दायनिगिरिनि पलिग्राफ टेस्ट खालामसिगोन

कलकाता, 25 आगस्ट : कलकातानि आर जि कर मेडिकल कलेज आरु देहा फाहामसालियाव ट्रेनिं डाक्टरखौ जिनाहारि खालामनायनि उनाव बुथारनाय के सआव सिबिआइआ रबिबारखालि गाहाइ दायनिगिरि सन्ज रायनि पलिग्राफ टेस्ट खालामगोन। बेनि अनगायै शनिवार खालि सिबिआइआ आरुबाव सा 7 सुबुफोरनि पलिग्राफ टेस्ट खालामदोंमोन। पलिग्राफ टेस्टनि सिगां दायनिगिरिया बुथारनाय जाथायखौ नेवसिगारनानै गावखौ फासायदों आरु गावहा दाय गैया होन्ना दाबि देखाडो। जेल बिबानगिरिफोरनि गथाइनाय खौरांजों मोनसे रिपटआव बुडोदि, सन्जय रायआ जेलनि गार्डफोरनि सिगाडव गाव जिनाहारि आरु



बुथारनायनि सोमोन्दै जेबो मिथिया होन्ना बुडो। बेरा फारसे, कलकाता पुलिसनि बायदिब्ला, सन्जय रायआ आरजि कर मेडिकल कलेज

आरु देहा फाहामसालिनि सेमिनार हलनि सिडव ट्रेनिं डक्टरखौ जिनाहारि खालामना बुथारनाय बाश्राखौ सिमान लायो। आथिखालाव

सिबिआइ आरु पुलिसआ सन्जय रायनि बिबुंधियाव गोबां गोनो-गोथो मोन्दों। नायबिजिरा बिबानगिरिफोरनि बायदिब्ला, सन्जयआ

नायबिजिरिफोरिफोरखौ थ'गायनो नाजाबाय थादों। नाथाय बियो गावनि मोखाडव जोखोम जानाय आरु जाथायनि समाव देहा फाहामसालि बिबिडंआव गावनि थानायनि सोमोन्दै जेबो रोखा बाश्रा बुनो हायाखै। बेनि अनगायै बियो जाथायनि माखासे मिनिट सिगां फुनि 4:03 रिगायाव जाथाय जानाय जायगानि फारसे थांग्रा गलियाराव गाव थानायखौ दिन्थिनाय सिंसिपिठि फुटेसनि सोमोन्दै जेबो रोखा फिनो होनो हायाखै। बेकेसआव भुगिनांग्रानो थाबेनो बिजिरनाय होनो थाखाय एजेसिया गोखोडे खामानि मावगिसिनो दं।

## आसाम-अरुणाचल सिमनायाव चक्रबाति बारहुंखाया सिलिंखार खालामदों

रुक्सिन, 25 आगस्ट: आसाम-अरुणाचल प्रदेशनि सिमनाजों नांजाबनाय ओन्सोलफोराव मोनसे गोहो गोरा चक्रबाति बारहुंखा फैयो, जायजों सान्जा सियां जिल्लानि रुक्सिन सार्केलआव गोबां खहा जायो। शनिवार मोनायाव फैनाय बारहुंखानि जाहोनाव गोखै बार बारनायजों लोगोसे



रोजा अखाबो हायो। बेनिफ्राय बोथोरनि बिदुनिफ्राय रेहायबो मोन्नो हादों। माहारियारि राजा लामा 15 नि 2 कि:मि: बे'खनाव गोगलैनाय अबर लेकु, मंगनां, बेरमाइल, लिंका, मिंक, सिल्ली आरु सिका टडे बायदि गामिफोराव गोबां बिफां आरु औवा बिफांफोरा गुलुदों। बेनि जाहोनाव हान्था-मेलाया जाम जायो। मा नोनो ट्राक, टेकार आरु बासफोरजों लोगोसे गारिफोरा लामायाव थाबथाना थायो। बारहुंखाजों मोब्लिबनि खुन्थियाफोर आरु लाइनफोराबो खहा जायो, जायजों गोहोम गोगलैनाय ओन्सोलाव मोब्लिबआ आबुडै बन्द जायो। हाग्रा मावफारियाफोर आरु मोब्लिब बिफाननि मावफारियाफोरा लामा-सामाफोरा बायसिन्नाय आरु होथेना थानाय बिफांफोर एबा दाखोर-दालाफोरखौ बोखारसांनायनि हाबाफारि मावो। चक्रबाति बारहुंखानि गोहोमा ओन्सोलनि मोब्लिब ग्रिडआवबो गोगलैयो। आल' आरु पासिघाटनि गेजेराव 132 के.भि ट्रांसमिशन लाइनआ खहा जायो, जायजों गाहायथिनि जिल्लाफोरा गोखों मोब्लिबनि आंखाल जायो।


गुवाहाटी, 25 आगस्ट: बांग्लादेशआव अलखदनि गेजेरजों आसामनि गिबि मन्थि ड हिमन्व विश्व शर्माआ गिदिर बाश्रा दाबि दैखदों। बिथाड बुंदोदि, थांनाय 1 दाननि गेजेराव सा 35 मुस्लिम हाबफैखोमाग्राफोरखौ ग्रेप्टार खालामदों। बिथाड बुडोदि, बावैसो सिगां आसामनि करिमगन्जआव सानै सुबुफोरखौ ग्रेप्टार खालामदों आरु आथिखालाव बिसोरखौ दैथायहरफिनबाय. बिथाड बुंदो, हिन्दुफोरा बांग्लादेशनिफ्राय भारतआव हाबफैनो नाजायाखै



आरु बिसोर बेयावनो जुजिगासिनो दड। थांनाय दानसेनि गेजेराव जों सासेबो हिन्दु सुबुफोरनि सोमोन्दै खौरां मोनाखै। नाथाय गोबां मुस्लिमफोरखौ हमनो मोनबाय। बांग्लादेशनिफ्राय

बेनि सिगां एक्सआव मोनसे पस्ट होना आसाम पुलिसआ बदरपुर रेलवे स्टेशनआव सानै बांग्लादेशीखौ हमदों। हमजानाय सुबुफोरखौ मासुम खान आरु सनिया अक्तर मडै सिनायथि होदों। बिसोर गोब्राबै माधपुर (बिडि) आगरतला लामाजों भारतआव हाबफैदोंमोन आरु बेंगालुरु फारसे थांगसिनो दडमोन। बिएसएफ नि हेफाजाबगिरि आसाम पुलिसआ बिसोर जाकुंसारै सिमना बारहोनो थिनहरफिनो।

## कमला हेरिसआ डनाल्ड ट्राम्पनि जिंगाखौ बांहोदों



वाशिंगटन, 25 आगस्ट : बे बोसोरनि नभेम्बर दानाव जानो गोनां आमेरिकानि हादतगिरि बिसायख'थिखौ लानानै वाशिंगटननिफ्राय लानानै निउयर्क आरु केलिफर्नियासिम राजखान्थिया गोखों महर लानो हमदों। बिसायख'थि गेलेबाय थानाय सानै गाहाइ बादायारि एबा बिजाथि डेमक्रेटिक पार्टीनि

कमला हेरिस आरु रिपब्लिकन पार्टीनि डनाल्ड ड्राम्पआ गावजों-गाव नोजोर होलायबाय थादों। अदेबानि 2024 नि आमेरिकानि हादतगिरि बिसायख'थियाव ट्राम्पनिफ्राय बांसिन भट मोनो हादों। बेनि गेजेरजों डनाल्ड ट्राम्पआ आथिखालाव कमला हेरिसनि सायाव बाश्राजों गाग्लोबनायनि अनगायै खान्थि

बायदि आयदाफोरनि सायाव नोजोर लाखिगासिनो दड। बिथाड शनिवारखालि टेक्स आरु सावसियायि आयदाफोरखौ लानानै हेरिसखौ बेंखनो। लास वेगासनि गंसे रेस्टुरेन्टआव मोनसे जथुमाखौ सोमोन्दो लाखिनानै ट्राम्पआ वेटर आरु सिबिथाइ होग्रा मावसुमाफोरोनो होनाय टिपनि सायाव टेक्सखौ फोजोबनाय गावनि बिथांखिनि सोमोन्दै बाश्रा बुडो। बिथाड नेवादायाव हिस्पेनिक भटारफोरखौ फु स्लायनो थाखाय गावनि फोसावनाय हाबाफारिनि नाजानायफोरनि सायाव सावरायो। बबेखानि ट्राम्पा गावनि हाबाफारि आरु सोलोखान्थिखौ सोलायनो नाजागसिनो दड। जाहाथे

कमला हेरिसनिफ्राय मिडियानि नोजोर जानगार जायो। आथिखालाव गुबुन हादतयारि नेम-खान्थि बेब'स्था आरु क्राइमनि सायाव ट्राम्पनि बिबुंधि होनायजों कमला हेरिसनिफ्राय मिडियानि नोजोर आरु सिबिथाइ होग्रा खालामनायाव जेबो मदत मोनाखै। बेनि अनगायैबो कमला हेरिसआ गावनि गोहो आरु गावनि सायाव फोथायनायखौ दिन्थिनानै आमेरिकानि हादतगिरि जानो थाखाय मिडिल क्लास आमेरिकानफोरखौ टागैट खालामगासिनो दड। आमेरिकियाव मिडिल क्लास सुबुफोरनि अन्जिमाया बेयाव बयनिखुडि बांसिन।

No. SLRC-G-III/91/Advertisement/2023/27

**NOTICE**

In continuation to the Advertisement No. SLRC-G-III/91/Advertisement/2023/2, the date of the written examination for recruitment of the posts of HSSLC level under the State Level Recruitment Commission for Class-III posts is hereby notified as below -

Sl. No.	CATEGORY OF WRITTEN EXAMINATION	MINIMUM QUALIFICATION REQUIRED	DATE & TIME
1	HSSLC Level	HSSLC or equivalent Examination passed HSSLC (Science) Examination passed	15/09/2024 (Sunday) 10:30 A.M. - 01:30 P.M.

It is hereby informed that candidates who have applied for these posts can download their Admit Card for the written examination by logging into the websites of Govt. of Assam ([www.assam.gov.in](http://www.assam.gov.in)) and that of Board of Secondary Education, Assam ([www.site.sebaonline.org](http://www.site.sebaonline.org)) from 11:00 A.M. of 02/09/2024. The candidates have to download and take print out of their Admit Cards by using their Application No. and Password used while filling of the forms for applying for the posts. The candidates have to produce hard copy of the Admit Card to appear in the written examination and must follow all the instructions mentioned in the Admit Card.

The date and time for the written examinations for the other categories of posts shall be notified in due course of time.

Technical support toll free number - 9582390056 (10 A.M. to 5 P.M.) (Working Days)

Secretary,  
State Level Recruitment Commission for  
Class-III Posts, Assam Administrative Staff College,  
Janasanyog/D/4685/24/26-Aug-24  
Jawahar Nagar, Khanapara, Guwahati - 22



## बे जिउनांनि निला थैया सुबुंफोरनि थाखाय अमृत बायदि

सुबुंजों लोगोसे मुलुगनि गासिबो जिउनांफोरानो थाना थानो थाखाय अक्सिजेननि गोनांथार जायो। लोगोसेनो थैखौबो बयनिखुइबो बांसिन गोनांथार जायो। सुबुंआ अक्सिजेन बायदिनो थै नडबलाबो थाना थानो हाया। नाथाय मुलुगाव मोनसे औरैबायदि जिब दड; जायगानि थैया सुबुंफोरनि थाखाय जोबोद गोनांथार होन्ना बुंजायो। बे जिबखौ सा आमैरिकानि लैथोमायाव मोन्नाय जायो, जायनि थैखौ सुबुंनि थाखाय अमृत होन्ना गनायनाय जायो। बेनि थैनि बेसेना लिटरसेयावो 10 लाख रंसिम थाडो। अदेबानि बेनि थैया गोजा नड, अक्टपास बायदि नीला गाबनि जायो। बे मख 'जाथाव जिउनांनि मुंआ जादों हर्सुन मुंनि खांखाय। बे खांखायखौ गराय बायदि नुयो। बेनिखायनो बेनि मुंखौ हर्सुन क्रेब बुंनाय जायो। बेनि



थैयाव एन्टि बेक्टेरियल प्रपाटी थायो। बेनिखायनो मेडिकेल साइन्सआव बेखौ बाहायनाय जायो। बे जरखा खांखायनि थैयाव हिमरलबिननि जायगायाव कपार बेस्ट हिमस्याइनिन मोन्नाय जायो, जायजों देहा-सोलेरनि दासिमबो बाहागोफोराव अक्सिजेननि साप्लाइखौ गोरलै खालामनो हायो। मख 'जाथावदि,

गिखंथाव बेक्टेरियाखौ सिनायथिप्रा मुलिफोराव बे खांखायनि थैखौ बाहायनाय जायो, जायजों बेक्टेरियानि बागै थि रोखोमनि खौरां मोन्नाय जायो। बेनि जाहोनावनो हर्सुन खांखायनि थैनि बेसेना लिटरफोमआव 10 लाख रं। बे जर 'खा खांखायनि थैखौ दिहुनायनि सिगां बेखौ गोथाडे हमनानै मौजां सुनाय लेब एबा

आन्जादसालियाव लांनाय जायो। बेनि उनाव गोथाडेनो मोनसे स्टेन्डआव फिट खालामना खुगा खाथिनि रोदायाव इन्जेक्ट खालामना बटलआव थैखौ जमा खालामनाय जायो। बे थैखौ सुबुंफोरनो गोनांथि जायोब्ला आरो गिदिर गिदिर बेरामफोरनि मुलि बानायनायाव बाहायनाय जायो।

## बाक्सा जिल्ला नख 'र' रैखाथि गाव सिबियारि

### अन्साय आफादआ खौरांगिरि मेल खुंदों

## 27 आगस्टनिफ्राय सानब्रैनाडे चचलआव हेंथा सोमावसारनाय हाबाफारि लानो फोसावदों

बरिमाका, 25 आगस्ट: राज्जो सरकारनि नख 'र' बिफाननि सिडव दुलाराय आसाम नख 'र' रैखाथि गाव सिबियारि अन्साय आफादनि बाक्सा जिल्ला आफादआ दिने थिखानाय बिफानआ खालामबोनाय नासयनायनि हेंथायै गावनि मोन्थायनि सोमोन्दे गोखों जायो। जिल्लानि पिएम श्री आनान्दपुरनि गुदि फरायसालि लांगोनायाव मोनसे खौरांगिरि मेल खुंनानै बाक्सा जिल्ला नख 'र' रैखाथि गाव सिबिथाय अन्साय आफादआ अजद होदोंदि, थानाय बोसोर बोसोर नाडे नख 'र' रैखाथि जवानफोरा खामानि गैयै जाना थानायनि जाहोनाव जेबो खामानि हेंथै थासारिजों मोगा-मोगि जाबोदों। खायसे लोगोफोरा थिखानाय बिफानजों अन्सायजानायाव बोसोर बोसोरनि उनाव सरकारि महरै थिसनजानायनि अनगायै बांसिन अनजिमानि सुबुंफोर खामानि गैयै जानानै जिरायना थानो गोनां जादों। जायनि थाखाय खामानि गैयै नख 'र' रैखाथि हान्जानि सोद्रोमाफोरा नख 'र' खानायनि थाखाय जेनाजों मोगा-मोगि जादों। खौरांगिरि मेलआव आफादनि आफादगिरि दिलिप कुमारआ बुंदोंदि, बावैसोआव अनलाइननि गेजेरजों नख 'र' रैखाथि जवानफोरनि जाय थिसन्थाय हाबाफारिआ खुंजाबोदों बेयो जोबोद बेले-बेजेजों आबुं जानाय। जायफोरा अनलाइननि गेजेरजों थिसनजानानै गुबुन गुबुन जायगायाव खामानि मावगासिनो दड बिसोरो बोसोर

बोसोर नाडे खामानि मावगासिनो दड। बेनि अनगायै बांसिन अनजिमानि सोलोथाय गोनां नख 'र' रैखाथिनि सोद्रोमाफोरा खामानि गैयै जानानै दड। बेनि सोमोन्दे नख 'र' रैखाथि हान्जानि केप्टेनखौ गले-गले आरज खालामबोनायनि उनावबो दिनेसिम जेबो राहा लायासै। नख 'र' रैखाथि हान्जानि सोद्रोमाफोरखौ सरकारि साखिआव एडभांटाइजमेन्ट होथेनि थाखाय रंखाथियारि महरै लोरबां जादों। गावनि नख 'र'नि सामलायथाय, फिसाफोरनि फरायनायनि बिथिडाव जेनाजों मोगा-मोगि जादों। बिथाड बुंदोंदि, बिसोर नख 'र' रैखाथि जवानफोरखौ राजो-राजाफोरा हाजिरा मावनोबो लिंहरा। फारसेथिं साखियाव इन्टरभिउबो खालामा, जायनि थाखाय नख 'र'फोरा फारियै जेनाजों मोगा-मोगि जानादों। नख 'र'रिनि माखासे गुन गोनां फरायसाफोर थानायनि उनावबो रंखाथियारि आंखालनि थाखाय गोजो सोलेंथाय आजवनायनिफरायबो जानगाराव थानो गोनां जादों। खौरांगिरि मेलआव बाक्सा जिल्ला नख 'र' रैखाथि गाव सिबिथाय अन्साय आफादनि मावफुं आफादगिरि परमैस्वर बर्मनआ खुद्विखांन फोरमायदोंदि, आथिखालनि समाव बाक्सा जिल्लायवाव 40 जौखोन्दे नख 'र'रैखाथि जवानफोरा खामानि मावना थानायनि अनगायै 60 जौखोन्देआ जिरायना थानो गोनां जादों। बयबो समान खामानि समान मोन्थाइ मोन्नांगो। बेखौ खालामा जासेनो खायसेआ बोसोर बोसोर

नाडे थिसजानायनिफ्राय जानगाराव थानादों। बिथाड बुंदोंदि, बोखावजायै बाक्सा जिल्ला महरै सा 519 सोद्रोमाफोरनि नख 'र' रैखाथि जवानफोरा दड। बेनिनो 2 जौखोन्देआ गुबुन गुबुन जायगायाव थिसनजादोंब्लाबो आथिखालाव आद्रा थानाय सुबुंफोरा न'आवनो जिरायना थानो गोनां जादों। अनलाइननि गेजेरजों खायसेआ थिसनजादोंब्लाबो बेयो बेले-बेजेजों आबुं जानाय होन्ना अजद होबावदों। मावफुं आफादगिरिआ अजद होबावदोंदि, बेबायदि राहा गैयैनि हेंथायै थिखानाय बिफाननो बाश्ना फोरमायनानै होदोंमोनब्लाबो जायखि जाया जाफुंसारनाय मोनाखै। बेनि थाखायनो फेगो 27 आगस्टनिफ्राय सानब्रैनाडे गुवाहाटीनि चचलआव जानगाराव लाखिनायनि हेंथायै दुलाराय आसाम नख 'र' रैखाथि गाव सिबियारि आफादनि खावलायनायाव हेंथा सोमावसारनाय हाबाफारि लागोन। आसाम पुलिसनि बिथोनगिरि आरो गिबि मन्थिआ जेब्ला गोवसोरनि जेनानि बाश्नाखौ मिबथि मोनाब्ला गोजो बिजिरसालिआवबो थानो बिथामोनहा फोरमायो। बिथाड लोगोसे 1947 माइथायनि आयेनखौ सोदांनानै राज्जोनि 26 रोजा नख 'र' रैखाथि जवानफोरनि साखिखौ नेमबादि खालामनो थाखाय दाबि खालामदों। दिनेनि खौरांगिरि मेलआव बाक्सा जिल्ला आफादनि गाहाइ नेहाथारि इलवार हुसेन, गजेन कलितामोनजों लोगोसे बाक्सा-तामुलपुरनि माखासे नख 'र' रैखाथि जवानफोरा बाहागो लाफेदों।

## रंजालि गथ'फोरनि सौरा

### मोनाबिलिनि दैसा सेराव बि आरो आंझ

सोनाब फैसालियाव दोबै लाहां जारां सानि सान रोदाया मोदान फैनाय बे बुब्लियाव... बि आरो आं, जोंबो? फेयोमोन गोमजोरै बोहेनाय बे दैसा सेराव राज्जोनायो गोबों इंसिनि बाश्ना..

सोमखोर-सोमखोर मिथिगानि गेजेराव जिरायना... बि आरो आंनि मोत्रे गोबोंखो मोनसे खालामना जों रादाइ खादोंमोन... सानैजों गोबों मोनसेयै हाथिनो।

नाथाय, बुब्लिनि बिलिरनायाव जों जिरायना रायलायग्रा बै सुदेम थावनिया रानस्वाव बालाबारिनिसे महर लाबाय... सिखिरि सुबुंनि फोथायखेबस'आव मोनाबिलिनि दैसा सेराव बि आरो आंनि रादाइ खानाइफोरा रेगाल' जाना थाबाय, आंनि गोबोंआव ।।

आलेरा बर' बर'बाजार सोलोंसालिमा, चिरां

### आंथेब मानसिसो

अखां बादि गोरबोनि लैथो बादि गोरबोनि सानस्निनाया नों माथो आंथेब मानसिसो

रैदोम बर', बाक्सा

## सिमांनि अनजालु

सोर नों अनजालु रजे साया माया आंजों अराय गेलेफेयो नाथाय सिमांआव ल मोकथांआव मोना मानो नोंखो। सानो आं नोंजों लोगोसे जिरायना फोरमायनो गोसोनि खोथा गौदे रावजों। नॉनि जारो गुस्थिनि मिनिखैरो मिनिनाइआव जायो आंदि बेसे बोदोर बावलि। हास्थायो आं नोंखो अराय मोननो मोकथांआव फेमाल नाथाय साननाया आंनि खालामबाय अनजालु नों आंखौ अरायबो सिमांनि फागोलि।

मिस मिजिं रानी नार्जारी फरायसालि-कक्राझार गार्ल्स एड्स एस स्कुल गामि: गाग्रगुरि

## गोसो थोनाया मा ?

नुफा माफा नुसै बनि महरखौ जेरावखि थाया साया माया, बुजि मोना आंबो मानि माया बेलाय ? आंनि मेगनआवल' बनि महर जाखोंफेयो नामा अराय सम, जानाय, लॉनाय, उन्दुनाय सिमां मोकथां जेरावखि थाया। आंनावल' ? ना गुबुननावबो, नड नड बे जानो हाया जोनोमाव बयहाबो जिउनि बुंनो सासे थायो। आंनि मेगनावल' बेयो नड, बयनिबो मेगनाव बिब्दिनो जिउनि अनजालु अनजालिनि महर मुश्री। बुजि मोना आं गोसो थोनाया मा ?

मिस पडमिनि नार्जारी फरायसालि-के.जि. एड्स एस स्कुल गामि-काकर मारी

### जारां सानखौ नेनाया.....

ने दोंमोन आं जारां सानखौ नुजा बोगौबा हाबा हुखा दोनथना बै ककिला दैसानि हाबां सेराव। नेयोसो नेयो गैयामाथो दासिमबो, जालांबाय हाबथा मोनसे थैवबो गैया बेनि खौरां। हालो-दैलो थानायनिफ्राय थोंदों बोथोर आरो समफोरा थैवबो खबर गैसिनिसे जालांसिनदों। बिरथिनाय जोमैनाव सोंदोंमोन आं बुंदों बेबो खबर गैया। बारनाय जावलिया बार मोनाखौनो बेबो जेबो गुपुर। राव राव बेहेनाय दैमा दैसा बेबो रोखायै मिथिया नुजिरि बोदोंलनो बेबो हाजों सेर सेर। जुब जुब अखानाव सोंदोंमोन फोरमायदों अखां सा सा जोमैया होथेना दोनलानाय सोनाब दिगजों। खोनाना मोनदों आं गावखौनो लोर-सोर गैयै थरैरो फेमाल जारां सानखौ नेनाया।

सनिया बसुमतारी गामि: ककिला ( बनरगाव ), बिस्वनाथ

## जोनोमगिरि बिफा

गेरेमसा फांसे बिफांनि रोदा बायदि नोंबो सासे। दालाय बिलाइ बिबार फिथायजों आबुं जाना थानाय गेरेमसा बिफांखौ रोदाया हमथानानै लाखिनाय बादि गोबां खस्थ थै नखर गंसेखो फोथानानै लाखियो दिथागिरि जाना। नखर खुंनानयनि रां रुफा जानाय लॉनायनि फिसाफोर फरायनाय लिटरनायनि गासैखौबो सुफुंरा नों रोदा बायदि दिथागिरि बिफा। गोसो गोहोनि जुजिनायजों नखरनि सोरांगिरि थसे ममबाथि खुलुमो नोंखौ गुरु आंनिनो आंगो बिफा।

निरन्जन बसुमतारी नतुन सनाफुर, गहपुर

## फुंबिलिखौ नोजोर बोना

आय' हाबाब, बेसे समायना? जारौ मारौ; दुब्रि बिलाइनि जौथि-माथि गोजां बोथोरनि, मोदान हरदों जारौ सान फुंबिलिनि ।।

बेरे, सिखिरि बिदै सोबख'ननाय बिरद'-बाद' बायदि गाबनि बिबार बारलानाय मोसागलानाय ।।

आय' हाबाब बेसे समायना? बेसे समायना हायना गोनां नॉनि महर ।।

अनिल ब्रह्म बर' बाजार सोलोंसालिमा, चिरां

## मादि बाइगर सानब्लाउरि

मुजिहाब खहाब गोनां मादि बाइगर सानब्लाउरि

निहिरगिसि बुब्लियाव रेगें रेगां दखना लामफेयो

हगारसारनाय रेसम खानायजों मिनि खैरो मिनिनानै बैसागि सिख्ला।

सखिराम बर' राबां, बाक्सा

## निजोम ( हाइकु )

साना दोबेबाय खोमसिया साग्लोबबोबाय सेफालि बारबाय ।

कुंनारज बर' उदालगुरि

## अननायनि दौलें

जोनोमनि नैबे थांजासिम होनानै, सानदोंमोन आं गोजोनै थानो हागोन, गैया नाथाय आंहा गोजोन। अननाय मोजां मोननाय दंक्लाबो, दुखु दाहानि गेजेरजोंसो। जिउनि लाइमोन बैसोआवनो होफलांबाय आं नॉनो अननायनि दौलें। लानांबाय आं दुखु दाहा गोरबो सिंनिफ्राय बोहेनाय जिरि जिरी मोदेंनि निजोरा राहा गैया हमथा हानो आंहा। आंनि मेगननिफ्राय बोहेनाय मोदेंआ, जानांगो अननायनि र्गुं गैयै लैथोनिखा। दड अननायनि मिजिंनि सायाव आंहा, हेंथा हिंसि दावराव दावसि दुखु-दाहा। रंजानाय मिनिनाय गैया आंहा, हांमा हांसानि गेजेरजोंसो मिजिं दं. आंनि लायमोन बैसोखौ बिदाय हरनो, अब्ला हरनाय मोननाय नडामोन। गोरबोयाव बोहेनाय नडामोन मोदेंनि निजिरा अननायनि गोदें रावा जाफुंझेब्ला मिजिंनि सायाव, मोनगौमोन दिने सुबुंनिफ्राइ बाखोनायनाय, गोरबोयाव बोहेगौमोन सुखुनि मोदें।

समन नार्जारी ली:सो: - फाटगाव

## दिवाना

हाय! अनजालि नॉनि हायना महरा खावना लांबाय आंनि आजोला गोसोखौ, दिवाना जाबाय आं नोंखो जीउनि लामायाव लोगो मोन्नानै। फैलाव हायेनिन गेजेराव गेवलां महरै बारखोमाना थानाय नों बारसे समायना गलाव बिबार। मा' एसेबां हायना गोनां स'ना नॉनि महरा, मा एसेबां मुहिनि गोनां नॉनि गोदें रावआ। जाना थाबाय अनजालि नॉनि महरा' आंनि गोरबो इंसियाव अरायनि थाखाय गोमोर रोडै थाज महल जाना। नोंखौदि आं बेसेबांबा मोजां मोनबाय-स'रि-सरि- चुपके-चुपके जालांबाय आं दिल तो पागल है। आजोला बैसोनि आलासि जीउयाबो नोंखौ लानानै जालांबाय दिवाना!!!

बिसारसिं बसुमतारी जन्' ता कलेज सेरफांगुरि गामि- पाटगाव ( उलुबारि )



( 1 बिलाइनिफ्राय)

## प्रमद बर'आ सिदली बियाबनि उफ्रा बिसायख 'थिखौ लानानै साखा-फारा जादों

गिबि मन्थि ७ हिमन्त बिश्व शर्माआ दासान्दि 31 नं सिदली बिधान सभा बियाबनि उफ्रा बिसायख 'थियाव जुथाय हान्जानि जानानै इउपिपिएल दोलोनि बिजाथियानो बिसायख 'थियाव देरहागोन होन्नानै फोसावदों बे बिथिडाव जुथाय हान्जानि बाहागोगिरि हान्जा महरै इउपिपिएल, बिजेपि आरो एजिपिआ ज 'थै उफ्रा बिसायख 'थियाव खामानि मावलांगोन होन्नानै बिटिसिनि गाहाइ मावफुं सोद्रोमा प्रमद बर'आ बुडे। बेनि उनाव बिटिसिनि गाहाइ मावफुं सोद्रोमा प्रमद बर'आ बासुगाव दखरा एबसुनि मावखुलि खाथियाव मुंखलं सुजित नाजरी सावराय न 'ब्लाडव खुंनाय मोनसे मेलाव बाहागो लायो। मेलाव बासुगाव दखरानि गुबुन गुबन दोलो-आफादनि बिबानगिरिफोरजों लोगोसे गागि नोगोरारि आरो मेमजिबि सुबुंफोरजों सावरायलायो। बेनि उनाव खौरंगिरिजों जानाय मोगा-मोगियाव फैगौ बिटिसि बिसायख 'थिखौ लानानै बिधान सबानि बुंथिगिरि बिस्वजित दैमारीनि दावहा सोलो आरो साखा-फारा मा बायदिये गोहोम गोलैगोन होन्ना सोथि सोनायनि फिन्नायाव प्रमद बर'आ बुडेदि, बिसायख 'थिखौ लानानै गासैबो दोलोया गाव-गावनि थांखि थायो आरो बे बायदिनो दोलोनि दैदेनगिरिफोर खामानि मावलाडे। बिथाड बुडेदि, दोलोनि बिजाथिया सोर जागोन बेखौ दोलोया थांखि लागोन आरो जायनि खाफालाव राजयग द'ड' बिनो मोनगोन। बेनि उनाव दासान्दि रइज्योयाव सोमजिनाय आइजोफोरनि सायाव अगेन हाबा मावनाय जाथायनि सायाव प्रमद बर'आ गोखों बिबुंथि होयो।

## बिकेडब्लिउएसिनि दैदेनगिरि आरो रइजो-राजाफोरा आसाम आइन आफादनि बुंथिगिरि बिस्वजित दैमारिखौ गाजा-गोमजायै बरायदों

दैमारिखौ बरायदों। धेमाजि जिल्लानि सिमेनसापरनि सान्जारि नोगोरआव थानाय बिकेडब्लिउएसिनि मावखुलियाव आसाम आइन आफादनि बुंथिगिरि बिस्वजित दैमारिखौ लामा ससेनिफ्रायनो गोबां रइजो-राजाफोरा मोसानाय, जै होनाय आरो बिबार माला लानानै बरायनायखौ नुनो मोन्दों। बिकेडब्लिउएसिखौ दानाय आरो मोनफुनायाव दैदेनगिरिफोरखौ लामा दिन्थिनाय आरो दैदेनायाव मैखोम बिहोमा थानाय हिसाबे बिकेडब्लिउएसिनि रइजो-राजाफोरा बिस्वजित दैमारिखौ गाजा-गोमजायै बरायदों। लोगोसे बिकेडब्लिउएसिनि दैदेनगिरिफोर आरो गुबुन गुबुन आफाद गौथुमफोरनि दैदेनगिरिफोर आरो रइजो-राजाफोरजों उदाडे सावरायजलायदों बिथां बिस्वजित दैमारिआ। सावरायनाय हाबाफारियाव दैमारिआ गावनि बिबुंथिनि गेजेरजों बिकेडब्लिउएसिनि रइजो-राजाफोरनि गेजेरव बिकेडब्लिउएसिनि सिमना थि खालामनाय, गागि सोसनाय आरो बिसायख 'थि खुंनाय बायदि आयदाफोरनि सायाव आधिखालनि गिबि मन्थि दैदेनाय आसाम सरकारआ रहा लानाय आरो खामानि मावगासिनो थानायनि सोमोन्दे फोरमायनायै होयो। सिमना बारायनाय आरो गागि सोसनाया 2024 नि गेजेरवनो थि जायोब्ला बिकेडब्लिउएसिनि बिसायख 'थिखौ नुनो हानाय जाहेगोन होन्नानै फोरमायथिनायै गाहाइ मावफुं सोद्रोमा मिहिनस्वर बसुमतारि दैदेनाय बिकेडब्लिउएसिआ थाबैनो आबु महर मोनगोन आरो ब'ड'लेन्डि बाइजोआव थानाय बर' माहारिनि जौगानायनि फासैं गोखों खामानि मावलांनो हागोनखौ मिजिथिनाय फोरमायदों।

## खोला कामरुप जिल्ला बर'बिमा गौथुम दानायजों लोगोसे आइजोफोरनि जर'खा सावराय मेल खुंदों

लोगोसे बर' बिजौनि जेना सुखालानायनि थांखि आरो नोजोरखौ सिगाडव लाखिनानै खोला कामरुप जिल्ला दुलाराय बर' फरायसा आफादनि मावखुलियाव थांनाय सानखालि मिर बर' बिमा गौथुमनि बानजायनायाव खोला कामरुप जिल्ला बर' बिमा गौथुमखौ दानानै लाबाय। बेजों लोगोसेनो आइजोफोरनि मोनसे जर'खा सावराय मेलबो खुंनाय जादों। खोला कामरुप जिल्लानि बेन्दोडव थानाय दाब-दाब हालामनिफ्राय नुजाथिफेनो हानाय आइजो आरो लाइमोन सिख्लाफोरखौ लानानै खोला कामरुप जिल्ला बर' बिमा गौथुमखौ दाफुंनानै लानाय जायो। जिल्लानिनो बर' समाज सिबियारि, आइजो दैदेनगिरि भानुमति बर'खौ जिल्ला गाहाइ लिंथुमगिरि, प्रतिमा बर'खौ जिल्ला लेडइ लिंथुमगिरि आरो सा 10 सोद्रोमाफोरखौ लानानै कामरुप जिल्ला बर' बिमा गौथुमखौ दाफुंनाय जादों। मख'नाय जायोदि, बे मेलआव खोला कामरुप जिल्ला दुलाराय बर' फरायसा आफादनि आफादगिरि सानसोरं बसुमतारि, नेहाथारि जितेन बर'जों लोगोसे मोनब्रे दख 'रा आफादनि मावथि सोद्रोमाफोरबो बाहागो लादोंमोन।

## बाक्सा जिल्ला एबसु आरो सालबारि दख 'रा आफादनि जथुम खुंनो बान्जाय आफाद दादों

11 आगस्टआव बि आर अम्बेडकार भवनआव बे थांखिखौनो लानानै मोनसे रायदाव आफाद दानाय जथुम खुंफुंनाय जादोंमोन। नाथाय बै सानखालि समनि आंखालाव रायदाव आफादनि गाहाइ आफादखौ दानानै लानायजादोंमोन। बेनि थाखायनो दिने फिन बे थांखिखौनो लानानै ओन्सोलनि सानसुमै मेलेमजिबि गोरों गोरौ सुबुंफोरखौ लानानै मोनसे दालाय रायदाव आफाद दानाय जथुमखौ सालबारि लक्षि मन्दिनि न 'ब्लांआव खुंनाय जादों आरो दिने बेवहाय फेबाय थानाय बाक्सा जिल्ला दुलाराइ बर' फरायसा आफादनि 20थि बोसोरसालिया जथुमा आरो सालबारि दख 'रा दुलाराइ बर' फरायसा आफादनि 24थि बोसोरसालिया जथुमाखौ खुंफुंनो थाखाय आबुं रायदाव आफादखौ दानाय जाबाय। दिनेनि बे आफाद दानायाव गाहाइ आफादखौ लाफायलासे गासैं मोन 14 दालाइ आफादफोर दानाय जादों। रांखाथिखौ बिथा खालामनानै जैरें जानाय-लौनाय, गेट फेन्देल थिक बेबायदिनो गासैं मोन 14 दालाइ आफादखौ दिने दाफुंनाय जादों। बे जथुमाखौ सालबारि हालामनिनो सालबारि फरायसालिमनि गेलोग्रा फोथाराव लानो थाखाय थि खालामनाय जादों होन्नानै फोरमायदों सालबारि दख 'रा एबसुनि बारग' गाहाइ नेहाथारि आरो सालबारि हिन्जावसा गोजौ फरायसालिनि बारग' लोगो फोरोंगिरि आरो बाक्सा जिल्ला एबसुनि 20थि बोसोरसालिया जथुमानि बान्जाय आफादनि मासिगिरि मुकुल चन्द्र बर'आ। लोगोसेनो दिने रायदाव आफाद दानायजों लोगोसे बोसोरसालिया जथुमानि बान्जाय आफादनि मावख 'खौबो हाबाफारि बायदिये गोजा फिथा हास 'नानै बेखेवनानै होयो सालबारि दख 'रा एबसुनि बारग' गाहाइ नेहाथारि आरो सालबारि हिन्जावसा गोजौ फरायसालिनि बारग' लोगो फोरोंगिरि आरो बाक्सा जिल्ला एबसुनि 20थि बोसोरसालिया जथुमानि बान्जाय आफादनि मासिगिरि मुकुल चन्द्र बर'आ। दिनेनि आबुं रायदाव आफाद दानायाव बाहागो लादोंमोन बाक्सा जिल्ला एबसुनि आफादगिरि उमेश दैमारि, बाक्सा जिल्ला एबसुनि गाहाइ नेहाथारि नन्देस्वर बर', बाक्सा जिल्ला एबसुनि नेहाथारि जयसरन नाजरी, सालबारि दख 'रा एबसुनि आफादगिरि देरहासर बसुमतारि, सालबारि जिल्ला बर' थुनलाइ आफादनि लेडइ आफादगिरि सचिन स्वर्गियारि, सालबारि फरायसालिमनि गोरारुं ७ जगत चन्द्र बसुमतारी, सालबारि गुदि बर' थुनलाइ आफादनि आफादगिरि ७ रसेन मसाहारी, सालबारि दख 'रा एबसुनि बारग' आफादगिरि रुपनाथ बर', सालबारि गोजौसिन गेजेर फरायसालिनि गोरारुं गलक चन्द्र बर', रायदाव आफादनि गाहाइ रहेन मुसाहारि, सालबारि बियाबनि टि सि एल सि सि बिनद मसाहारी लोगोसे ओन्सोलनि सानसुमै मेलेमजिबि गोरों गोरौ सुबुंफोरा बे हाबाफारियाव बाहागो लानानै रायदाव आफादखौ आबुंडे जाफुंसार खालामो।

## तामुलपुर जिल्ला बाथौ गौथुमनि बान्जायनायाव आर'ज गौमा खुंदों

हाबाफारि खुंनाय जादों। बे आर'ज गौमायाव गाहाइ आलासि महरै बाहागो लादों- दुलाराय बाथौ गौथुमनि गाहाइ नेहाथारि गनेश दैमारिआ। लोगोसे माननि आलासि बाहागो लाबावदों तामुलपुर बिधान सभा बियाबनि एपोएलए जलेन दैमारि बिथांआ। दिने बे बाथौ धोरेमनि आर'ज गौमायाव 3 नं खोला दिपिलि, नाग्रिजुली बियाब, दिमलापर बियाब, कतालिक्चि बियाब आरो तामुलपुर बियाब दुलाराय बाथौ गौथुमनिफ्राय गोबांथार माइनाव आरो लाइमोन आफादनि सोद्रोमाफोरजों लोगोसे गोबां बाथौ धोरेम सिबियारिफोर बाहागो लानानै मुलुग गोजोन, सुबुं माहारिनि गेजेरव अन्न्लायनाय आरो गोजोन खौसेथिनि थासारि गायसनायनि थाखाय आर'ज मेथाइ रेजावनानै आर'ज खालामदों। बे हाबाफारिनि गेजेरजोंनो बाथौ धोरेमनि जांखिखानाय लाबोनो थाखाय दुलाराय बाथौ गौथुमआ खामानि मावगासिनो द'ड'होन्नानै फोरमायथिदों दुलाराय बाथौ गौथुमनि गाहाइ नेहाथारि गनेश दैमारिआ।

( 1 बिलाइनिफ्राय)

## सिपाझार गुजि आरो रइजोआरि देहा मिरुआव मुगैथाव जाथाय

सोमजिदों बे जाथाया। 108 एम्बुलेन्स सालायगिरिनि हेंथायै एम्बुलेन्सनि सिडावनो सासे उन्दै बेरामि हिन्जावसाखौ जिनाहारि खालामनायनि अजद देखंदों भुगिनांनय नख 'रआ। मिथिनो मोन्नाय बादिब्ला, बे जाथाय सोमजिनाय समावनो हिन्जावसानि बिमाया नुनायाव एम्बुलेन्स सालायगिरिआ खारखुमालाडे। 108 एम्बुलेन्स सालायगिरिखौ सामसुल हक होन्नानै सिनायथिनो हादों। भुगिनांनय हिन्जावसानि बिफाया बे जाथायनि हेंथायै थिसन्नाय एजाहारनि बिथायाव सिपाझार पुलिसआ दानिगिरिखौ सामसुल हकखौ खायो। गुबुन फासैंथि, बे जाथायनि दायनिगिरि सामसुल हकनो गोखों साजा होनांगौनि दाबि देखंदों सिपाझार दखरा फराया आफादआ।

## बडइगावआ पिस्टल लानाय लाइमोननि उतार

मिथिनो मोन्नाय बादिब्ला, पिस्टल लानाय सा 6 लाइमोनफोरनि मोनसे हान्जाया गोजाम कलनीयाव सासे लाइमोनजों नान्जलाय-खमलाय खालामो। गिबियाव नान्जलायो आरो बेनि उनाव बुलाय-सौलाय कालामो। बेनि गेजेरवनो पिस्टल लानाय लाइमोननि हान्जाया लांदाडाव गुलि गावो। बुलाय-सौलाय खालामनानै खारखुमालांनो नाजानायावनो जाब्रबथाय सोमजिथो। उनाव जाथायनि बागैं खौरां मोन्नायै जाथायथिलियाव बडाइगाव पुलिसआ नुजाथिहैनानै जाथायनि सायाव संदानायखौ जागायजेनो। जाब्रबथाय जानाय गारिनिफ्राय पुलिसआ गंसे पिस्टल आरो गर 3 गुलि बोखानो हायो। लोगोसे सा 6 दुथां लाइमोनफोरा बाहायनाय एएस 26 एफ 0001 नम्बरनि स्करपिअ गारिखौ हमो। बे जाथायजों लोब्ला थानाय सासे लाइमोनखौ पुलिसआ हमनो हायो। पुलिसआ हमनाय लाइमोनखौ प्रसेनजित बेनाजि होन्नानै सिनायथिनो हादों। बे जाथायाव बाहायनाय गारिया रनि दास मुंनि सासे लाइमोननि मुडाव द'ड'। पुलिसआ जाथायथिलिनिफ्राय पिस्टलजों लोगोसे गंने लेपटप आरो गुबुन गोबां अजद गोनां मुवा-बेसादफोरखौ बोखानो हायो।

## आसामनि रइज्यो बैंगिरि आचार्यआ जन्मास्टमिनि मुडै-वयनिसिमबो गाहाम हामब्लायथि जासिहदों

दिन्थियो। रइज्यो बैंगिरिया बुंवावोदि श्री कृष्णआ जोबथा फोरोंगिरि, जाय बयखौबो मान आरो अन्नायजों जिउनि जायखि जाया हेंथाखौ मोगा-मोगि जानो थाखाय लामा दिन्थियो। बेनिखायनो जन्मास्टमिनि बुब्लियाव, बिथाड बयखौबो बे फालिथाइनि गोसो आरो गुबै बाश्राखौ मानिनो आरो समाजनि खांथियारि बिथाफोरखौ गोखों खालामनायाव बिहोमा होनो बयखौबो खावलायहरो।

## तुलसिबिलआव सोमजिनाय जाथायनि हेंथायै एबसुआ हान्जा सुरनानै सोमावसारदों

हान्जायै जिनाहारि जाथाय होन्नानै दुलाराइ बर' फरायसा आफाद एबसुआ गोखों खुदिखांदों। मख'नो गोनांदि, एबसुनि कक्राझार जिल्ला आफादनि बान्जायनायाव दिने चौरारानि आमिनकाता गोजौ फरायसालिनि गेलोग्रा फोथारनिफ्राय मोनसे खुदिखां हान्जा सुरनाय हाबाफारि खुंनाय जायो। सोमावसारगिरिफोरा आखाइ-आखाइ प्ले कार्ड लानानै जिनाहारि जाथायनि दायनिगिरिखौ फासि होंगौ, मौलबादि गोहो हुसियार, जोंनो बिजिरनाय नांगौ बायदि स्ल'गानजों गोखों सोमावसारो। बेनि उनाव एबसुनि जिल्ला आफादनि आफादगिरि कृ पेश दैमारीआ तुलसिबिलआव सानै उन्दै हिन्जावसाखौ साथाम लांसुनिया लाइमोन फारियै जालाम खान, नुर आलम आरो सेंख आबुदुलाआ फु क्लायनानै हान्जायै जिनाहारि खालामदों होन्ना दाबि देखंनानै बे बायदि मुगैथाव जाथायखौ गोखों रावजों सोंखारियो। बिथाडा तुलसिबिलनि जाथायाव लोब्ला थानाय दायनिगिरिफोरखौ फास्ट ट्रेक बिजिरसालियाव नायबिजिरनानै फासि होनांगौनि दाबि दैखाडो।

जाथायनि सायाव जिल्ला खुंथायनिफ्राय दिन्थिनाय लोबांथिखौ एबसुनि जिल्ला आफादनि आफादगिरि कृ पेश दैमारीआ गोखों रावजों सोंखारियो आरो दायनिगिरिफोरनि फासैं खुंथाया मानि लोबांथि दिन्थिदों होन्नानै सोंथि सोडे। तुलसिबिलनि जाथायाव सानै उन्दै बैसोनि हिन्जावसाया बिजिरनाय मोनाब्ला एबसुआ गोजोन्नाय नहा होन्नानै बिथाडा सांग्रंथि होयो। बिथाडा आसाम सरकारखौ तुलसिबिलनि सानै उन्दै हिन्जावसानि सोमोनांथाव महरै गोमानाय आरो उनाव हान्जायै जिनाहारि खालामजानाय थासारियाव बोखानो हानाय जाथायनि सायाव मोजाडे नायबिजिरनो थाखाय एस आइ टि दाफुंनो दाबि दैखाडो। मख'नो गोनांदि, एबसुनि हान्जा सुरनानै सोमावसारनाय हाबाफारियाव बजरं दल, बेंगलि गौथुम, बिएसइउ आरो कच-राजबंशि दोलो-आफादनि बिबानगिरि-स्रोेमा आरो आइजो आफादफोराबो बाहागो लायो। मख'नो गोनांदि, कक्राझार जिल्ला पुलिसआ तुलसिबिल ओन्सोलाव सानै उन्दै हिन्जावसापोरकौ सोमोनांथाव महरै बोखानो मोन्नाय जाथायखौ हान्जायै जिनाहारि खालामनायनि अजदखौ गुदि नायबिजिरनायाव नेवसिगारनायखौ लानानै गोखों फिनजाथाय सोमजिदों।

## सालबारि सुपार डिभिजन फुटबल लिग

गेलेमुआव बासबारि बिरसा मुन्दा स्पटर्स क्लाबआ देरहायो। काहिबारि जोहोलाव स्पटर्स क्लाबखौ 2-0 गलआव फे जेन्नानै बासबारि बिरसा मुन्दा स्पटर्स क्लाबआ देरहानायजों पइन्ट आरजिनो हादों।

( 1 बिलाइनिफ्राय)

## भबानिपुरआव पद्मप्रिया साहित्य-हारिमुआरि हान्जाया सा 18 लिरगिरि, खन्थाइगिरि, आरिमुगिरिजों लोगोसे माखासे जरखा सुबुंफोरनो बान्था गथायदों

सिबियारि आरो आसाम जातियताबादि लाइमोन फरायसा परिषदिन बजलि जिल्ला आफादनि बोसोनगिरि बिजन बायननि आफादगिरि मासि सामलायनायाव बान्था गथायनायनि गेवलां मेलआव हारिमु आरो आजिरा मोन्नाय गुन गोनां फोरोंगिरि सैलेन्द्र कुमार चौधुरीआ गाहाइ आलासि महरै बिबुंथि लाखियो। सैलेन्द्र कुमार चौधुरीआ गावनि बिबुंथियाव बुंदोंदि, गपाल देब आताआ सत्र गायसनायजों लोगोसे बिन फिसाजो आइ पद्मप्रियाआ असमीयानि सेथि आइजो खन्थाइगिरि महरै खन्थाइ सावरायलायना अन्सायजानायजों लोगोसे हारिमु, थुनलाइजों जौगाथाय भबानिपुरनि मोनसे गोखों जारिमिन द'ड'। बे जारिमिनखौ रैखाथि होन्नानै लाखिनांगोन भबानिपुरनि आधिखालनि आरो इयुन जोलैआ। मेलआव जरखा आलासि महरै बिबुंथि लाखिदों भबानिपुर साहित्य सभानि आफादगिरि आरो गागि देंखोगिरि रविन दास आरो भबानिपुर साहित्य सभानि नेहाथारि हितेन्द्रनाथ डेकामोनहा। मेलआव खन्थाइगिरि-लिरगिरि अलखा बुजरबुरुवानि सुजुनाय खन्थाइ बिजाब 'हिरन्मयि' खौ भबानिपुर गोजौसिन गेजेरारि फरायसालिनि बारग' गोरारुं अजित कुमार चौधुरीआ बेखेवना होयो। लोगोसे खन्थाइगिरि-सल'मागिरि-फावथिनागिरि मानिक चन्द्र चनवाल (गुवाहाटी) नो पद्मप्रिया थुनलाइथारि बान्था, सल'मागिरि दिपान्जलि दास (गुवाहाटी), खन्थाइगिरि-सल'मागिरि तुतुल मानब (पाठसाला), रायथाइ लिरगिरि दिलिप दास (भपानिपुर) नो सब्द चिल्प बान्था, खन्थाइगिरि-सल'मागिरि बन्दना नाथ ठाकुरिया (धिं, नगाव), खन्थाइगिरि-देंखोगिरि रितामनि बायन (बरपेटा), खन्थाइगिरि-सल'मागिरि उशामनि शयकिया (पान्दु, गुवाहाटी), खन्थाइगिरि हरेन चन्द्र कलिता (बट्टबा नगाव), खौरंगिरि सयेन केतान (रहा नगाव) मोन्नो सौरभ बान्था, समाज सिबियारि ७ मन्दिरा बरुवा (गुवाहाटी) नो मपियसि आसाम बान्था गथायो। बेनि अनगायैबो देंखोगिरि रेखा भारति (गुवाहाटी), देंखोगिरि-देंखो बिथोन होग्रा रमेन दास (बरपेटा), देंखोगिरि हेमन्त ठालुकदार (पाठसाला) आरो भुपालि देबि (गुवाहाटी) मोन्नो गपाल आता कृष्टि बान्था गथायनानै होयो। बेनि अनगायैबो समाज सिबियारि साजन भुजा (गुवाहाटी) आरो जरखा खौरंगिरि एम मुहिबर रहमान (नलबारि) मोन्नो दिन बन्दु बान्था गथायनाय जायो। लोगोसेनो बिएस फरायसालिमनि रांखाथि बिफाननि लोगो बिबुंथि रिगुल मनि तालुकदारनो सिरुमनि बान्था गथायनाय जायो। मख'नो गोनांदि, गुवाहाटीनि मुंदांखा सोलेंथायगिरि, लिरगिरि ७ दयानन्द पाठकखौबो पद्मप्रिया साहित्य बान्थानि थाखाय पद्मप्रिया साहित्य-हारिमुआरि हान्जाया बान्थानि थाखाय सायख'दों। खन्थाइगिरि-लिरगिरि अलका बुजरबुरुवाआ सामलायनाय मेलआव हान्जानि नेहाथारि नितुमनि दासआ गासैं हाबाफारिखौ सामलायदों।

## खाउरां दखरा आगसु मावखुलनि गाहाइ हाबग्रा लामा आरे बाउन्डारि वाल बेखेवदों

सुखानानै होयो समाज सिबियारि मिनन मुसाहारीआ। दिने उदालगुरि जिल्लानि काउरां दखरा आगसुनि मावखुलनि गाहाइ हाबग्रा लामा आरो बाउन्डारि वाल लुनायाव गावयारि बिहोमाजों बेखेवना होन्नानै बयजोंबो बाख्नायजादों समाज सवियारि मिनन मुसाहारीआ। मख'नो गोनांदि, सरकारनिफ्राय जेबो रोखेमनि मदद मोनै हायैयाव आगसुनि दखरा आफादआ समाज सिबियारि मिनन मुसाहारीनो फोरमायथिना होनायाव आफादखौ मदद होनो खोथा होयो आरो जेनाखौ सुखानानै होनायाव दखरा आफादआ बिथांनिसिम साबायख'र जासिहरो। बे हाबाफारियाव उदालगुरि जिल्ला पुलिसनि बिबानगिरि पुस्कन जैन आरो माखासे गागि सुबुंफोरा बाहागो लायो।

## बर'सुबुं जथाइ आफादनि जर'खा सावराय मेलजों लोगोसे कामरुप जिल्ला सुबुं जथाइ आफाद दादों

आफादखौ दानायनि थांखिखौ गुवारै बेखेवनानै होयो। बिथाड गावनि बिबुंथियाव बुंदोंदि, बर' फरायसा आफाद आरो गुबुन माहारियारि आफादफोरा बिटिआरनि बाइजोआव थानाय बर'फोरनि जौगानाय आरो रैखाथिनि थाखाय राजखांथियारि बिथिडाव खामानि मावनो आख'-फाख' जायो। बेनिखायनो बर' सुबुं जथाइ आफादनि गेजेरजों बिटिआरनि बाइजोआव थानाय बर'फोरनि रैखाथि आरो गासैं बिथिडाव जौगानायनि थाखाय खामानि मावनायनि थांखिजों दानाय जादों। दुलाराय बर' फरायसा आफादआनो बे आफादखौ थांनाय 2021 माइथायनि 28 फेब्रुवारिखालि दानानै होनाय जादोंमोन होन्नानै बिथाडा फोरमायो। लोगोसे बिटिआरनि बाइजोआव थानाय गासैं बर' सुबुंफोरखौ खौसे खालामनानै आसामनि मोनफ्रोमबो बर' थानाय जिल्लाफोराव बर' सुबुं जथाइ आफादखौ दानाय जागोन होन्ना गेबेडै फोरमायथियो। बेबायदिनो दिनेनि बे हाबाफारिनि गेजेरजोंनो कामरुप जिल्लानि सिडाव थानाय बर'नि मेलेम-जिबि सानसुमैफोरखौ लानानै कामरुप जिल्ला बर' सुबुं जथाइ आफादखौ दानानै लानाय जायो। गोदानै दाजानाय कामरुप जिल्ला बर' सुबुं जथाइ आफादआव पदमेस्वर बर'खौ सिफ कनभेनर, बिस्वजित बर' आरो जितु बर'खौ लेडइ कनभेनर आरो गुबुन सा 17 सोद्रोमाफोरनो बिबान होनाय जादों। दिनेनि बे हाबाफारियावनो मिर दुलाराय बर' फरायसा आफादनि नेहाथारि आनान्द दैमारि, मिरु बर' सुबुं जथाइ आफादनि कनभेनर अमृत खाख्कारि, बलराम बर', उदालगुरि जिल्ला एबसुनि बुंथिगिरि रहित बसुमतारिजों लोगोसे मिरुनि गोबां बिबानगिरि, मेलेम जिबि आरो रइजो-राजाफोरा बाहागो लादोंमोन।

## गइबारि ब्लक कमिटि बिपिएफनि 7थि बोसोरारि जथुम्मा खुंदों

हमनाथा लाखिनो आरो दोलोखौ गोखों खालामनायनि असिलायै दासान्दि गुबुन गुबुन रजखांथि दोलोफोय दोलोआरि मेल आरो जइनि हाबाफारि लानायखौ नुनो मोन्दों। बेबायदिनो बिपिएफ रजखांथि दोलोआबो फैगौ बिसायख 'थियाव गोखोडै बादायनायनि असिलायै दानिफ्रायनो जानजि खाफ्रादों। बेनि असिलायै गइबारि ब्लक बिपिएफ दोलोनि 7थि बोसोरारि जथुम्माव खुंनायनि गेजेरजों दोलोनि दैदेनगिरि आरो मावथिफोरखौ लानानै फैगौ बिटिसि बिसायख 'थिनि थाग-थियारिनि सायाव गुवारै सावरायजलायदों। तामुलपुर जिल्लानि सिडाव थानाय गइबारि ब्लक कमिटि बिपिएफनि खुंगा 7थि बोसोरारि जथुम्माखौ दिने तेतेलिगुरि, कालाकुचि, श्रीश्री लक्ष्मी आरो माइनाव थानसालिनि लांगोनायाव सानसेनि हाबाफारिजों खुंनाय जादों। बे बोसोरारि जथुम्मा खुंनायनि गेजेरजों तामुलपुर ब्लक कमिटि बिपिएफनि गोजाम आफादखौ सिमफायनानै गोदान आफाद दाफुंनाय जायो। गोदान आफादआव जगेन बसुमतारिखौ आफादगिरि आरो दिपक कुमार बर'खौ गाहाइ नेहाथारि बिबान होन्नानै तामुलपुर ब्लक कमिटि बिपिएफखौ दाफुंनानै लानाय जायो। बेजों लोगोसेनो तामुलपुर ब्लक लाइमोन गांखं आरो आइजो गांखंखौबो दिनेनि हाबाफारिनि गेजेरजों दाफुंनानै लानाय जादों। गइबारि ब्लक बिपिएफनि गोदानै बिबान मोन्नो हानाय आफादगिरि जगेन बसुमतारिआ फेबाय थानाय 2025 माइथायनि बिटिसि बिसायख 'थियाव बिपिएफ दोलोआ देरहानानै सरकार दागोनखौ मिजिथिनाय फोरमायो। लोगोसे बिथाडा गावनि बिबुंथिनि गेजेरजों फोरमायोदि, फैगौ बिटिसि बिसायख 'थिनि थाखाय थाग-थियारि जानो दोलोआव मुखुब नडे दैदेनगिरि आरो मावथिफोरखौ खामानि मावनायाव मुखुब खालामफिन्नो थाखाय दिनेनि हाबाफारियाव थांखि लानाय जादों आरो बिटिसि बिसायख 'थिनि थाखाय प्राइमारि आरो ब्लक थाखोआव खामानि मावनाया दानिफ्रायनो जागायबाय। बेबायदिनो बिपिएफ दोलोनि दैदेनगिरि सोद्रोमा आरो मावथिफोरनि गोखों खामानि मावनायनि गेजेरजों आरो बिटिसि हालामनि रइजो-राजाफोरनि अन्साइनाय आरो हेफाजाबजों बिपिएफ दोलोआ सरकार दाफिनगोन होन्नानै जगेन बसुमतारिआ फोरमायथिदों।



# रणबिर कापुरनि सावथुन 'रामायण' जों लोब्बा थानाय माखासे बाथाफोरा सोराडव फैदों

नितेश तिवारिनि मस्ट आवेटेड मेगा बाजेट सावथुन 'रामायण' आवेटेडखौ लानानै जोबोर सावरायनाया सोलिंगासिनो दड। रणबिर कापुर आरो साइ पल्लभिन बे सावथुनआ बलिउडनि बेसेन गोसा सावथुनफोरनि गेजेयव बेबो मोनसे होन्ना मिबथिहोदों। बेनि गेजेरजों मेकार्सफोरा त्रेता युगनि सल' आवेटेडखौ दानि जुगनि बिसाबै दिन्थिनो थाखाय सान्दों। 'रामायण' आवेटेड सावथुननि थाखाय स्टार कऱस्टनिफ्राय लानानै फावखुंगुरनि कस्ट्युम लुकजों लोगोसे मोनसे-मोनसे जिनिस्फोरनि सायाव मोजाइ



नोजेर होनाय जागासिनो दड। सेटनिफ्राय रणबिर, साइ पल्लभि आरो केकेयिनि रल दिन्थिनो नागिरनाय लारा दत्तनि लुकआ लिंक जाबाय। अदेबानि आथिखालाव सावथुनजों लोब्बा थानाय आरो मोनसे बाथा सोराडव फैदों। 'रामायण' आवेटेड फावखुंगुरफोरनि कास्टिखौ लानानै सावरायनायाव

यशनि मुंआ गोवां खेब सोराडव फैखांबाय, नाथाय बेनि सायाव जेबो कन्फार्मेशन गैया। सावथुनाव माखासे मुंदांखा महरफोरखौ गाहाय फावफोरनि थाखाय साइन खालामनाय जादों। बबेखानि आथिखालाव टेरि नटरिखौबो बे प्रजेक्टआव लोब्बा लानायनि खौरांआ सोराडव फैदों। टेरि नटरिआ हलिउडनि सासे मुंदांखा स्टान्ट क-अडिनेटर, मुभमेन्ट कच आरो फावखुंगुर। नितेश तिवारिनि रामायणआव बिथांखौ एक्टिं खालामनाय नुनाय नड, नाथाय बे सावथुनजों लोब्बा थानाय एक्शन सिक्वेन्स आरो मशन केप्चरखौ बिथाड डायरेक्ट खालामगोन। बेनि कनफार्मेशनखौ मोनसे गोजाम भिडिअआव खालामदों। बिथाड आभतार, एभेन्जार्स एन्ड गेम आरो दा प्लेनेट अफ दा एप्स बायदि सावथुनफोराव मशन केप्चर पारफार्मर हिसाबै खामानि मावदोंमोन।

## श्वेता तिवारिआ जाम्पसुटआव गावनि स्टाइलनि एक्टिंजों सुबुंफोरनि गोसोखौ गलिहोदों




इन्डियन टेलिभिजन इन्डस्ट्रीनि टाइमलेस बिउटि होन्ना मानिजानाय श्वेता तिवारिआ गावनि फेसनजों सुबुंफोरनि गोसोखौ देरहानो माब्लाबाबो बावगारा। सानै गथ'फोरनि बिमा श्वेता

गोब्राब। ग्लेमार् वाल्डआव गोबाव बोसोरनिफ्रायनो एक्टिभआव थानाय श्वेतानि समाइना महरआ समजों लोगोसे आरोबाव गोजोंसिन जानायखौ नुनो मोन्दों। बेनि फिन्नायखौ बिथानि गोदान फटशुटआव नुनो मोनो। श्वेतानि लेटेस्ट फटशुटआ अलिभ जम्पसुटआव दड। फावखुंगुरिआ माखासे सावगारिफोर शेरार खालामदों, जेराव माब्लाबा बिथांखौ केमेराथिं नायनाय नुदों आरो माब्लाबा नायखत्यानाय नुनो मोन्दों। सिम्पल नाथाय एलिगेन्ट लुकआव श्वेताखौ नुनानै नायगिरिफोरा फिन खेबसेबाव बिथांखौ बाख्नायनायाव मेंआखैमोन। फावखुंगुरिनि टाइमलेस

बिउटिखौ नुनानै फिन खेबसेबाव अन्सायगिरिफोरा बिथानि सायाव गोसो गलिदों। इडजार्सफोरा 'कसौटी जिन्दगी की' नि फावखुंगुरिखौ जोबोर बाखायदों। सासे इडजार्आ लिरदोंदि, फैगो जोनोमाव इशोरआ आंखौ नोंथानि पार्टनार बानायथों।' आरो गुबुन सासेआ कमेन्ट खालामदोंदि, श्वेता तिवारि हट, हट मम। अदेबानि गोवां सुबुंफोरानो बिथांखौ जेब्लायबोनि बायदि स्टानि आरो बिउटिफुल होन्ना बुंदों। श्वेता तिवारिआ 'कसौटी जिन्दगी की' नि अनगायैबो 'परवरिश', मैं हु अपराजिता, बाल वार, बेगुसरय, मेरे डैड की दुल्हाल' बायदि हिट स्व'फोराव खामानि मावदोंमोन।

## शाहरुख खाननिफ्राय लानानै आमिर खानखौबो कच जानानै आइजो गेलेगिरिफोरनि गोहो दिन्थिनायखौ नुनो मोन्दों

गेले गिरिफोरखौ गेलेग्रा फोथारव गोखौ नुनायनि जाहोना बिसोरनि कचनि गोथी नाजानाय। कचआनो गेलेगिरिफोरखौ बिसोरनि सिमानिफ्राय आवगायलानानै मोजांसिन बानायनायाव थुलुंगा होयो। कचनि खस्थ' आरो नाजानायनि सायाव हिन्दी सावथुनबो बानायो। बेयाव कच एबा मेनाजानि फावखौ गिरिद फावगिरिफोरबो दिन्थिखांबाय।



बेवहाय गिबियाव 'चक दे इन्डिया' नि सावथुन नि मुड फेगोरो। 17 बोसोर सिगां फेनाय बे सावथुनाव लोखां एबा मोजाइ रोडै भारतयारि आइजो हकि टीमआ जोबनायाव वर्ल्ड कापनि देरहागिरि जायो। टीमआ कच बिहारनि खाननि खस्थ'यै नाजानायनिफ्राय बेदेहसासालायखौ

एबा गल्ड मेडेलखौ मोनो हदों। कबिर खाननि फाव खालामनाय शाहरुख खानआ बे सावथुनाव बिबुंथि होदोंदि, 'आं इन्डियान नेशनल वमेन टीमनि कच। आंहा ना स्टेटिनि मुं खोनयो आरो ना नुयो। खालि मोनसेल' मुलुगनि मुं खोनानो मोनो, बेनो जादों इन्डिया'। आइजो गेलेगिरिनि

गोहोखौ कचनि गेजेरजों सिनायथिजानाय नैथि सावथुना 'दंगल' बे सावथुना हादतयारि पेहेलवान महाबिर सिंह फगाट आरो बिथानि फिसाजोफोर गिता आरो बबितानि जिउनि जाथाइजों थुलुंगानाय। हारियाणानि नेशनल रेजलिं चेम्पियन महाबिर सिंह फगाट नख'रनि लोरबां रांखांथि जेनानि जाहोनाव गावनि रेसलिं केरियारखौ नागारना साखिखौ सायख'यो। उनाव हादतनि थाखाय गल्ड मेडेल देरहानायनि सिमांखौ बिथांआ गावनि फिसाजोफोरनि गेजेरजों आबुं खालामो एबा जाफुंसाहोयो।

## करण जौहरआ सासे इडजारनि सौलुआव फिनजाथाय होदों

सावथुन मुलुगनि मुंदांखा बिथोनिगिरि-दिहुनिगिरि करण जौहरआ गावनि पार्सनेल लाइफखौ लानानै सावरायनायाव थाबाय थयो। खामानिनि अनगायैबो गोबां खेब करणआ गावनि फिनजाथायनि थाखायबो हेडलाइनआव थाबाय थयो। बावैसो सिगां बिथाड सासे इडजार्खौ गावनि गथ'फोरनि सोमोन्दै सौलु सौंनायनि थाखाय गोखौ फिन्नाय होदों। करण जौहरआ 2017 माइथायाव सारगेसिनि गेजेरजों सानै जावजा गथ'फोरखौ बरायदोंमोन। बिथाड गावनि फिसाज्ला यशखौ गावनि बिफानि मुं होदों, अदेबानि फिसाजो रुहनि मुंखौबो बिथाड गावनि बिमानि मुंआवनो



दोन्दों। करणआ सासे मोजां बिफा। बिथाड गथ'फोरजों लोगोसे फोर्बो सेलिब्रेट खालामनायनिफ्राय लानानै बेराय हैनायसिम गासिबो समखौ इन्जय खालामो। लोगोसे सशेल मिडियाआव बिथाड गथ'फोरनि समाइना नुथायफोरखौ शेरार

खालामबाय थयो। बावैसो सिगां, करण जौहरआ इनस्टाग्राम एकाउन्टआव गावनि फिसाजोनि मोनसे भिडिअ शेरार खालामदोंमोन। क्लिपआव रुहिआ सिरिखौ देंखो रोजाबनो थाखाय बुंदोंमोन। जेब्ला सिरिनिफ्राय जेबो फिन्नाय मोनाखैमोन अब्ला बियो खुद्रीदोंमोन। रुहिआ सिरिखौ बुडो, देंखो रोजाब। आं बिन्दिखौ मोजां मोना। नों मोनसे रिदमआव प्रपार देंखौ रोजाब। प्रफे शनेल जा।' सुबुंफोरा रुहनि बे भिडिअखौ जोबोर मोजां मोन्दोंमोन। भायरेल

भिडिअआव आलि फजलिनिफ्राय लानानै आयुष्मान कुराना, महिष कापुर, मनिष मल्हत्रा आरो श्वेता बच्चनजों लोगोसे गोबां सेलेब्रिटीफोरानो रुहिनो अन्नाय लुफावरहदों। नाथाय सासे इडजार्आ भिडिअनि कमेन्टआव सौलु सौंदोंदि, रुहनि बिमाया सोर? मा सोरबा आंनो खिन्थानो हागोन ना? गथ'फोरनि बिमानि सोमोन्दै बे बायदि सौलु सौंनायखौ खोनानै करण जौहरआ सिरि थायाखै। बिथाड फिन्नायाव बुंदोंदि, आं बिसोरनि बिमाया। नोंथानि सौलुजों आंहा जोबोर टेन्शन जादों। बेनिखायनो आंहा नोंथानो बेबायदि थार सौंनायनि फिन्नायखौ होनो गोनं जादों।

## सायरा बानुआ गावनि 80थि जोनोम साननि खाबुआव माखासे बाथा सेयार खालामदों

फावखुंगुरि सायरा बानुआ शुक्रवारखालि गावनि 80थि जोनोम सानाव फिसाय आरो सुपारस्टार दिलिप कुमरनिफ्राय मोन्नाय बयनिखुइबो बेसेन गोसा अन्थोबखौ गोसोखांदों। बिथाड बुंदोंदि, बेयो बिथानि गोसो गोर्बोनिफ्राय बाख्नायनायमोन, जायनि जाडनाव बिथानि जिउआ अयय समनि थाखाय सोलायदोंमोन। बेनि अनगायैबो फावखुंगुरिआ गावनि न'नि मोनसे गोमोथाव मोनाबिलि समखौबो गोसोखानानै बुंदोंदि, दिलिप

कुमारआ सिंआव हाबफैयो। आंनि आखायाव हमो आरो बुडो, नों आंनि जानानै सासे समाइना हिन्जाव जाबाय। बिथाड आरोबाव बुडोदि, आंनि आबै शमशाद वाहिद खान, आंनि अनसुलि बिमा, नसिम बानुजनि जोबनो गैयै अन्नाय आरो आंनि गोदेत बिदा सुल्टाननि आंखौ लामा दिन्थिनायनि थाखाय जोबोर जोबोर साबायखर। बिसोरनि बोर आरो अन्नायनि जाहोनावनो आं दिनें बे बायदि सुबुंनि मोगथां महर मोन्दों। 1966 माइथायनि गावनि जोनोम



साननि सेलिब्रेट खालामनायखौ गोसोखानानै सायरा बानुआ बुडोदि, 23 आगस्ट, 1966 आव आं आंनि जोनोम सानखौ फालिदोंमोन आरो गोदान न'आवबो हाबदोंमोन। बे

## 'स्त्रि 2' सावथुननि 10थि साननि कालेक्शनआ सोराडव फैदों



2024 माइथायाव धुतनि सावथुनफोरानो सोलिंगासिनो दड। सिगां शंतानआ दोहौ न'खौ दिलिप साहाबनि न'नि साखाथिआवनो गोसो जानानै सायख'दोंमोन। बिथानि फेन जानायनिफ्राय लानानै बिसि जानायसिम आं बे सुबुंनि माखासे सान्नायफोरखौ हमादोनो हानायनि थाखाय आं आंखौनो खाफाल गोनं सानो। बे जोनोम साननि खाबुआव आं आंनि इनस्टाग्राम पेजनि गेजेरजों आंनि अन्सायगिरिफोरजों जोंनि सल'खौ शेरार खालामना बिथांखौ अरायसमनि थाखाय फोथांफिन्नो उसु-खुथु जादों।

सोमजिहोदोंमोन, उनाव मुनज्या आरो आथिखालाव स्त्रि 2 नि दोहौ सोमजिहोनायखौ नुनो मोनगासिनो दड। सावथुनआ जेब्लानिफ्राय सिनेमाहलफोराव रिलिज जादों, मोनसेनि उनाव मोनसे ब्लकबास्टार सावथुनफोरखौ उन खालामदों। 15 आगस्टआव सिनेमाहलफोराव रिलिज जानाय स्त्रि 2 आ 2018 माइथायाव फेनाय स्त्रि सावथुननि सिक्वेल। 6 बोसोरनिफ्रायनो सावथुननि सिक्वेलखौ गोसो गुदुडै नेनानै दडमोन। गमामायैनो सावथुनआ थिएटरआव जागायफेबाय आरो नायगिरिफोरनि गोसोआव जायगा बानायनो हदों। 64 रंजों लोगोसे स्त्रि 2 आ बे बोसोरनि बयनिखुइ देरसिन अपेनार जादों। शनिबारआव रं आरजिनाय बिथिडव दावखोनायखौ नुनो मोन्दों। स्त्रि

2 नि गिबि उडकेन्डआ जोबोर मोजाइ थादों। गिबि उडकेन्डआवबो सावथुनाव 200 कौटि रंनि अनजिमासिम सौहैदों। अदेबानि आथिखालाव नैथि अडकेन्डआ जागायबाय आरो नैथि शनिबारआवनो सावथुननि रं आरजिथायआ अखं मोन्दहैदों। 10थि सानाव सावथुनआ मोजां कालेक्शन खालामदों। रिपटनि बायदिब्ला, रजकुमार यवनि स्त्रि 2 आ नख'रि बक्स अफिसआव नैथि शनिबारआव 32.5 कौटि रंनि फालांगि खालामदों। हरर आरो कमिडिजों बुंफनबाय स्त्रि 2 आ नख'रि बक्स अफिसआव 10 साननि गेजेरवनो 3.50 कौटि रंनि फालांगि खालामबाय। सावथुनआ जौनि हादतनि अनगायैबो गुबुन हादतआवबो गोखौ दोहो सोमजिहोदों। मुलुगानैनो स्त्रि 2 नि फालांगिआ 456 कौटि रंसिम सौहैबाय।







## भारतनि आइजोफोरनि रेसलिं हानजाया अमानआव जेनाजो मोगा-मोगि जानादो

गोदान दिल्ली, 25 आगस्ट : भारतनि 17 बोसोर सिनि आइजोफोरनि खमलायनाय हानजाया वर्ल्ड चैम्पियनशिपआव मोजा दिन्थिफुनायनि उनाव फेफिनाय बिरखेखो गोमानायनि उनाव जेदानी अमानआव रानी आलिया गेजेर हायुआरि बिरखे गाथोनाव जेनायाव गोलैदो। सा 9 आइजो खमलायगिरिफोर आरो साथाम कचफोरा। सनिबारनि मोनाबिलियाव भारतआव फेफिना गोनामोन नाथाय गुबुन-गुबुन बिरखेफोराव बुक खालामनाय जादोमोन। कच जय भगवान, शिल्पी श्यरान आरो रेखा रानीआ दुबाइआव थाथ नायजो एमिरेट्स बिरखेआव गाखोनो गोनामोन,



बबेखानि लाइमोन मोनाबिलिनि 6.10 रिंगायाव खारगोगोन आरो मोनानि 10.10 रिंगायाव दुबाइ सौहैगोनो मोनामोन। बेनिफ्राय बिथाड फुनि 3.55 रिंगायाव गुबुन मोनसे बिरखेआव

गोनामोन आरो फुनि 9.05 रिंगायाव दिल्ली सौहैगोनो। फ्लाइटआ (QR 401) मोनाबिलिनि 8.30 रिंगायाव खारनाने आरो हरनि 11.10

## निकलास पुरनआ सिक्स रान स्करनि फारिलाइआव थामथि मासियाव

गोदान दिल्ली, 25 आगस्ट : वेस्ट इन्डिजनि हानजाया गावसोरनि नखरनि फोथारआव खोला आफ्रिकानि हेँथायै खेबथाम मेचनि टी-20 सिरिज गेलेगासिनो दं, जायनि गिबि मेचआ 23 जुलाइआव त्रिनिदाद फोथारआव जायो। बे मेचआव बानजायगिरि वेस्ट इन्डिजनि हानजाया 7 विकेटजो देरहानाने सिरिजयाव 1-0 जो सिगादो। निकलास पुरनआ बे मेचआव इन्डिजनि देरहानायाव गोना बिफाव लादो, जेराव बिथाड खालि 26 बलफोरजो मोगा-मोगि जादो आरो 250 नि स्ट्राइक रेटजो 62 राननि थैयाजासे इनिंस गेलेदो। पुरनआ गावनि इनिंसनि समाव गासै खेब 7 सिक्स लादो, जायजो बिथाड टी-20 गेजेर हायुआरि मेचआव बयनिखुइबो बांसिन



सिक्स लानायाव रहित शर्मा आरो मार्टिन गुटिलनि उनाव थामथि मासियाव सौहैबाय। खोला आफ्रिकानि हेँथायै टी-20 सिरिज जागायनायनि सिगां, पुरनआ बयनिखुइ बांसिन सिक्स लानायनि बेलायाव 7 थि मासियाव दंमोन, जेराव बिथांनि मुडव 132 सिक्स रान दडमोन। आथिखालाव सिरिजनि गिबि टी-20 मेचनि उनाव बिथाड बे फारिलाइआव

दं, जेराव जस बटलारआ 137 सिक्स बुनाने ब्रैथि मासियाव दं। बे खेबथाम मेचनि टी-20 सिरिजनि नैथि मेचआ 25 आगस्तआव गेलेनाय जागोन आरो थामथि मेचआ 27 आगस्तआव जागोन। बेबादि थासारियाव, जेराव पुरनआ सिरिजनि आद्रा थानाय 2 मेचफोराव टी-20 इन्टरनेसनेलआव गावनि 150 सिक्स रान खालामनो खाबु मोनगोन, बिथाड जस बटलारनिफ्रायबो गिदिर आवगायनो हागोन। पुरनखो मुलुग क्रिकेटनि बेरफुग्रा बेटसमेनफोरनि गेजेराव साननाय जायो, जाय दासिम खेब 96 टी-20 मेचफोराव 137.77 नि गडुजो 2141 रान बानायदो, जेराव खेब 13 हाफ सेन्सुरि स्कर इनिंसबो दं।

## निरज चप्राया फैगौ इभेन्टनि थाखाय बादायलायनो थियारि

गोदान दिल्ली, 25 आगस्ट : भारतनि स्टा जेभलिन खुबैग्रा निरज चप्राया गावनि दिन्थिफुनायजो थानाय माखासे बोसोरफ्राय बयखोबो गोहोम खोखैगासिनो दं। निरजआ भारतनि सासेल' एथलीट जाय फारियै मोनने अलिम्पिकआव बान्था देरहानो हादो। बबेखानि, मोनसे थांखि 90 मिटार जानथायखो गल्डेन बय निरजआ दासिमबो मोनाखै। निरजआ बे थांखिनि सोमोन्दै गोबा खेब फोरमायबाय। बेजो लोगोसे, रोग थि गोनां पेरा-एथलीट देवेन्द्र झाइरियाया फोथायोदि, निरजनि थाखाय 90 मिटार गोजानाव जेभलिन खुबैनाया खालि समनि बाथा। झाइरियाया 1-2 बोसोरसेनि गेजेराव 93 मिटार गोजान जेभलिन खुबैनाय हागोननि मिजिंथि होदो। निरजआ सोलिफु दाननि जागायजेनायाव पेसि अलिम्पिकआव 89.45 मिटार



खुबैनाय गंसे रुपानि मेडेल देरहादोमोन। बिथाड बृहस्पतिबाराव फिन खेबसेबाव लुसेन डायमन्ड लीगआव 89.49 मिटार खुबैनाय नैथि थाखोआव थादो। झाइरियाया गावोनो सासे पेरा जेभलिन खुबैनाय गेदेमा आरो बिथाड एफ-46 थाखोआव मोनने पेरालिम्पिक सनानि मेडेल देरहानो हादो। बिथाड बुंदोदि, जेब्ना

निरजआ 90 मिटार जानथायखो बारगोन अक्ला बिथाड बेखो मोनसे गिदिर फारागथिजो बारगोन जेराव बिथाड थामनिफ्राय ब्रै मिटारसिम सिगां थागोन। जेभलिनआव 89 मिटारनि बांसिन निरजनि थाखाय बे समाव मोनसे हेँथा जाबाय। आं आसा खालामोदि, बिथाड 90 मिटारनिफ्रायल' नड, नाथाय 3-

4 मिटार गोजानसिम खुबैगोन। मार्चआव पेरालिम्पिक कमिटि अफ इन्डियानि आफादिगिरि सायख 'जानाय झाइरियाया बुंदोदि, बैसोआ बिथांनि फारसे दं, बेनि ओंथिया जादो जेब्ना बियो 28 एवा 29 बोसोर जागोन अक्ला बियो गावनि थांखियाव सौहैगोन।

## लियनेल मेसिआ क्लाबआव गेलेनो थियारिखो जागायबाय

ब्युन्सआयार, 25 आगस्ट: आर्जेन्टिनानि सुपारस्टार लियनेल मेसिआ सोलिफु सप्ताहयाव फोथारवाव गावनि प्रेक्टिसजो जागायदो आरो एमएलएसनि खान्थियारि बोथोर जोबनायनि सिगां इन्टर मियामीआव हाबनो हागो। मियामीनि कच गेराड' टाटा मार्टिन'आ बे फोरमायथिखो होदो। 37 बोसोर कौसोनि मेसिआ 14 जुलाइआव कपा आमेरिकानि फाइनालाव क लम्बियानि हेँथायै आर्जेन्टिनानि देरहानायनि उनाव आगदा आथिआव दुखु मोनयनि जाहोनाव बायजोआव दंड।



बिथाड बे मेचनि नैथि हाफआव दुखु मोनयजो मोगा-मोगि जानादोमोन। मेसिआ इन्टर

मियामी आरो एफ सी सिनसिनाटीनि गेजेराव जानाय मेचआव गेलेयाखै। बेजो लोगोसे,

फैगो सेप्टेम्बरआव जानो गोनां खेबनै वर्ल्ड कप क्वालिफायरनि थाखाय बिथांखो आर्जेन्टिनानि हायुआरि हान्जानिफ्रायबो बोखारनाय जादो। बिथाड 1 जुलाइनिफ्राय इन्टर मियामीनि थाखाय गेलेयाखै नाथाय कच मार्टिन'आ थाबैनो हान्जानि आबु फोरोंथायाव बाहागो लानो हागोनि मिजिंथि होदो। मार्टिन'आ बुंदोदि, मेसिनि फेफिनायनि थाखाय जेबो टाइमलाइन होनो हायाक्लाबो अक्तरबनि जोबनायाव एमएलएस प्लेअफनि जागायनायनि सिगां जानो हागो।

रिगायाव देहा सौहैनांगोमोन नाथाय बेयो मोनाबिलिनि 6.18 रिंगायाव खारदोमोन। बबेखानि, बेयो रोखा नडदि, बिरखनि समफारिखो सोलायफिननाय जादो ना जायाखै मोन। अमानआव भारतयारि हानजानि मोनसे सुलुख फोरमायोदि, लाइमोन आइजो खमलायगिरिफोरा फ्लाइटनिफ्राय बार ग'दो मोन। लाइमोन खमलायगिरिफोरनि थाखाय मोनसे आलादा बिरखेखो बुक खालामनो नाडमोन। स्पर्टस अथ 'रिटि अफ इन्डियाया बिसोरनि थाखाय रोखोमसे बिरखेखो बुक खालामनोमोन। मख 'जाथावदि, सासे कचआ लाइमोन खमलायगिरिफोरजो लोगो जानांगोमोन। नाथाय दायो बिसोरखो गिबिसिन मोनो हानाय बिरखेखो लबोफिनो नाजागासिनो दं।

## भारतनि तन्वीआ बेडमिन्टन एसिया चैम्पियनशिपआव आइजोफोरनि इभेन्ट बिमुं देरहादो

गोदान दिल्ली, 25 आगस्ट : भारतनि गेलेगिरि तन्वी पात्रीआ चीननि चेंगदुआव बादायलायनाय फाइनालाव भियेतनामनि धीधु हुयेन गुयेनखो थोँजो गेमआव फेजेन्नायै बेडमिन्टन एसिया आन्डर-17 आरो आन्डर 15 नि जुनियर चैम्पियनशिपआव आन्डर-15 नि हिनजावसाफोरनि हारसिं बादायलायनायखै देरहादो। जौसिन मासि मोन्याय 13 बोसोर बैसोनि तन्वीआ 34 मिनिटसिम सोलिनाय जोबथा बादायलायनायाव नैथि मासि मोन्याय बादायगिरिखो 22-20, 21-11 स्करजो फेजेनो हादो। बे देरहानायजो तन्वीआ सामिया इमाद फारुकी आरो तसनीम मीरनि फारिलाइआव हाबनो हादो, जाय फारियै 2017 आरो 2019



मायथाइयाव आन्डर-15 बोसोर सिनि हिनजावसाफोरनि हारसिं बिमुं देरहादोमोन। तन्वीआ गासै दुर्नामेन्टआव गावनि गोहोमखो लाखिदो आरो गावनि गेलेनाय खेबबा मेचफोराव मोनसेबो गेम जे नाखै। फाइनालनि गिबि गेमआव तन्वीआ मोनसे समाव 11-17 जोँ उन जादोमोन नाथाय बेनि उनाव भियेतनाम गेलेगिरिया गोबां गोरिन्थि खालामदो जायनि

खाबु लानानै भारतआरि गेलेगिरिया गावनि मुडव गिबि गेम बानायनो हादो। बेबादिनो, भारतआ बे बादायलायनायाव मोनसे सनानि आरो ब्रन्जनि मेडेल देरहादो। ज्ञान दुहा टीटीआ बेनि सिगां आन्डर 17 बोसोरनि थाखोआव हौवासाफोरनि हारसिं बादायलायनायाव ब्रन्जनि मेडेल देरहादोमोन।

## भारतनि शुटिनि हानजायाव नरवालनिफ्राय सनानि मिजिंथिदो

गोदान दिल्ली, 25 आगस्ट: भारतनि शुटि हानजाया पेरालिम्पिकआव बाहागो लानो थाखाय पेसिसिम थांबाय। राइफल शूटर अभांनि लेखारा, मना आग्रवाल आरो पिस्टल शूटर मनीष नरवालजो लोगोसे सा 10 सोदोमानि मोनसे शुटि हानजाया 30 आगस्टनिफ्राय पेसिसिम शेरुआव जानो गोनां शुटि इभेन्टआव बादायलायगोन। भारतनि शुटि हानजाया फैगौ पेसिसिम गेम्सआव टकिय 'पेरालिम्पिकआव मेडेलनि अनजिमाखो बारनो थांखि लादो, बे आयदानि सायाव नरवालआ बुंदोदि, गोब्राव फोरोंथायनि उनाव हानजाया मोजां थासारियाव दड। टकिय 'पेरालिम्पिकआव भारतआ गंसे सना, गंसे रुपा आरो गंसे ब्रन्जनि मेडेल देरहादोमोन। टकिय 'आव 50 मिटार पिस्टल (एसएइस-1) बादायलायनायाव सनानि मेडेल देरहानाय नरवालआ



बुंदोदि, जौनि थियारिआ मोजां आरो पेसिसिम साबसिन दिन्थिनो थाखाय नेगासिनो दड। नरवालआ पेसिसिम गेम्सआव 10 मिटार एयार पिस्टलआव बादायलायगोन। नरवाल, अभांनि आरो मनानि अनगायैबो, हान्जानि गुबुन सोदोमाफोरा आमिर अहमद भट, रुद्रांश खन्डेलवाल, रुबिना

फ्रान्सिस, स्वरुप उन्हालकर, सिद्धार्थ बाबु, श्रीहर्ष देवरादि आरो निहाल सिंहआवो दड। बे गेलेनायफोराव भारतआ अभांनिफ्राय बान्थानि मोजांसिनि मिजिं लागोन। बिथांजोआ सिगांनि गेलेमुफोराव गंसे मेडेल देरहानो हानाय भारतनि गिबिसिनि आइजो शूटर जादोमोन। जयपुरनि

शूटरआ टकिय 'पेरालिम्पिकआव 10 मिटार एयार राइफल आरो 50 मिटार राइफल थाम पजिसन (एसएइस-1) आव सनानि मेडेल देरहादोमोन। पेरालिम्पिक कमिटि अफ इन्डियाआ बे गेलेनायफोरनिफ्राय गं 25 नि बांसिन मेडेलफोरखो मिजिंथिदो।

## जय रुटआ मोनसे गिदिर रेकर्डआव राहुल द्रविड आरो एलन बर्डारनि सिगाडव

गोदान दिल्ली, 25 आगस्ट: इलेन्डनि हानजाया श्रीलंकानि हेँथायै खेबथाम मेचनि टेस्ट सिरिजखो जोबोद मोजां रोखोमै जागायदो आरो ब्रैथि सानाव मेनचेस्टरआव गेलेनाय गिबि मेचखो 5 उइकेटजो देरहादो। बे मेचआव इलेन्डआ देरहानो थाखाय ब्रैथि इनिंसआव 205 राननि थांखि मोन्दोमोन, जेराव बिसोरो मोनसे समाव 119 नि स्करजो गावसोरनि 4 उइकेट खोमादोमोन। बेनिफ्राय जय रुटआ इनिंसखो मोजां सामलायदो आरो गिबियाव जेमी मिथजो मोनसे गोनांथार बाहागोदारि खालामदो आरो फिन क्रिस वक्सजो लोगोसे बे मेचआव हान्जाखो देरहानो हादो। जस्टनि बे समाव 128 बलाव 62 राननि इनिंस गेलेदो। बिथाड गावनि इनिंसनि बिथायाव मोनै गिदिर रेकर्डबो बानायदो। रुटआ श्रीलंकानि बेरेखायै गिबि टेस्ट मेचनि गिबि इनिंसआव 42 रान बानायनाने आउट जादो। बेनि उनाव बिथाड हान्जानि नैथि इनिंसआव गावनि स्टाइलआव बेदिं खालामदो आरो 62 रान बानायदो। गावनि इनिंसनि बिथायाव, रुटआ दायो सचिन तेन्दुलकर आरो शिवनारायण चन्द्रपालनि उनाव टेस्ट क्रिकेटनि जारिमिनाव बयनिखुइबो बांसिन हाफ सेन्सुरि इनिंस गेलेनायनि बेलायाव थामथि जायगायाव सौहैबाय। रुटआ रोग थि गोनां गेलेगिरिफोर एलन बर्डार आरो राहुल द्रविडखो बारलांबाय, जायहा टेस्ट क्रिकेटआव खेब 63-63 हाफ सेन्सुरि रान बानायनायनि रेकर्ड दं।



बेजो लोगोसे, जस्टनि मुडव दायो 64 हाफ सेन्सुरि फै बाय। श्रीलंकानि बेरेखायै मेनचेस्टर टेस्ट मेचआव 62 रान बानायनायनि

उनाव रुटआ टेस्ट क्रिकेटआव बयनिखुइ बांसिन 50+ रान बानायनायनि बेलायाव 5थि मासियाव सौहैबाय। बेयो रुटनि

96थि इनिंसमोन, जेराव बिथाड 50+ रान बानायदो। सचिन तेन्दुलकरआ बे फारिलाइआव सेथि फारियाव दं, जाय टेस्ट क्रिकेटआव 50+ स्करजो 119 इनिंस गेलेदो। बेनि अनगायैबो, जस्टआ इलेन्डनि थाखाय टेस्ट क्रिकेटनि ब्रैथि इनिंसआव बयनिखुइ बांसिन 50+ रान बानायनायनि बेलायाव जेफ्री बयकटजो जयै नैथि थाखोआव दड, जेराव सांनैनिबो 10-10 इनिंस दं।

**असम लोकसेवा आयोग**  
ASSAM PUBLIC SERVICE COMMISSION  
Jawaharnagar, Khanapara, Guwahati-781022.

**HALF YEARLY DEPARTMENTAL EXAMINATION, 2023**  
TO BE HELD w.e.f. 28-08-2024 to 01-09-2024

**ITEMS ALLOWED IN THE EXAMINATION HALL**

1. PEN (BLACK OR BLUE), PENCIL.
2. e-ADMISSION CERTIFICATE.
3. OFFICE IDENTITY CARD.
4. BOOKS, TEXTUAL MATERIALS (PRINTED OR WRITTEN) FOR PAPERS (WITH BOOKS).
5. WATER BOTTLE.
6. ANALOG WATCH.

**ITEMS PROHIBITED IN THE EXAMINATION HALL**

1. MOBILE PHONES (EVEN IN SWITCHED OFF MODE)
2. ANY ELECTRONIC EQUIPMENT OR PROGRAMMABLE DEVICE OR STORAGE MEDIA DEVICES, SUCH AS DIGITAL WATCHES, HEALTH BANDS, ELECTRONIC PENS/CANNERS, BLUETOOTH DEVICES, CAMERA, EARPHONES OR ANY OTHER SUCH ELECTRONIC GADGETS/DEVICES EITHER IN WORKING OR SWITCHED OFF MODE CAPABLE OF BEING USED AS A COMMUNICATION DEVICE.
3. BAGS/POUCH ETC.
4. BOOKS, TEXTUAL MATERIALS (PRINTED OR WRITTEN) FOR PAPERS (WITHOUT BOOKS).
5. CALCULATOR, PEN DRIVES, BITS OF PAPERS ETC.
6. ANY ITEM WHICH COULD BE USED FOR UNFAIR MEANS.

**VIOLATION OF SEATING ARRANGEMENT WILL BE TREATED AS UNFAIR MEANS.**

POSSESSION/USE OF ABOVE OR SIMILAR ITEMS WILL BE TREATED UNDER "UNFAIR MEANS" CATEGORY AND CANDIDATURE OF THE CANDIDATE FOUND IN POSSESSION OF PROHIBITED ITEMS WILL BE LIABLE FOR CANCELLATION AND ACTION WILL BE TAKEN AS PER PROVISIONS WITH INTIMATION TO GOVT. FOR APPROPRIATE ACTION.

Janasanyog/D/469724/26-Aug-24